

英山縣志卷十一

人物志

儒林 仙釋

文苑 才技

宦績 孝友

武功 義行

忠節 壽士

隱逸 附鄉飲賓

儒林



英自元至元間始立為縣故唐宋以前可傳可法者無得而稱焉然斷碑殘簡故老所傳後世猶得約略言之終明之世英雖蕞爾而忠孝節義與夫瑰異畸行之士自不乏人經張李之亂兵燹之酷亘古未聞文獻無存即欲珥筆表揚半歸無據其不與宋元以前同於湮滅者幾希矣自前清迄民國二百餘年間人文輩出因而顯微闡幽蒐羅後彥載之簡冊若者足樹風聲若者足勵氣節若者足植綱常不以榮枯異迹顯晦殊途皆博訪遐搜不使稍有遺漏亦據事直書之意也志人物

英山縣志

卷之十一

十一

人物志

儒林

方訓字介川廩生講性理之學好為古文詞不屑屑於章句生平著述噲炙人口無如文章憎命南闈五薦主司輒抑之晚年博覽羣書尤精研兵法咸豐閒粵逆倡亂邑設團練大局縣令何公家驄知其能羅致之時鄂撫胡公林翼駐軍於英每有諮詢多中肯綮保舉教職加五品銜後任太平府當塗縣教諭太守周公紹濂欽其品學命子姪從之遊贈以儒林雅望匾額殺昭奎字文舫廩貢生幼聰穎家貧夜就兄織燈讀書晨向塾師背誦不遺一字壯益肆力於詩古文詞光緒己卯南闈堂備額滿見遺遂淡於進取究心洛閩之學於松陽講義倭文端公

遺書尤能抉其奧邃友教生徒學求根柢不徒以時藝擅長
蕭如普字藝林恩貢生與弟廩生如遇素友愛未析居家居教
受生徒以小學近思錄爲的游庠食餼者無算尤不佞佛老有
好者輒面斥之

蕭右序字弼侯庠生性最孝每自外歸親屬尊長必問起居廿
餘年如一日性嗜讀雖隆冬盛暑未嘗輟平居視聽必嚴步履
必慎霍山孝廉宋鴻卿六安孝廉黃孝綬均欽其品學焉年三
十餘歿士林惜之

王修麟舉人光緒甲辰恩賜國子監學正耆年宿學品行端方
教授四十餘年及門弟子成立甚眾不愧經師

英山縣志

卷之十一

十一

人物志

一一

王訓舉人潛心經史善於詩文家庭之間孝友雍睦子鐵珊忠
節有傳

王慶雲歲貢生五膺房薦專心經史足跡不入城市爲士林楷
模

安學洙邑廩生字泗門沉靜寡言品學純粹應童試輒冠軍後
肄業省垣敬數書院各節自持一塵不染士林咸以完人稱之
段煜字赤亭廩貢生天姿卓犖學問宏深爲文力追先正典型
不落尋常蹊徑尤通達事體族戚中有爭競者皆賴一言而解
屢薦南闈賚志以歿惜哉

金馥遠字粟香副貢生刑部主事品行端方學術純正文章詩

賦冠絕一時教授生徒純以性理爲根柢士俊多出其門下
傅文惠字采疇邑庠生性情和厚少時卽敦孝友祖父抱恙侍
奉湯藥十餘年不稍懈學術湛深及耄期猶手不釋卷士林爭
奉爲模楷卒年八十一

陳士升字晉階舉人定遠縣教諭歷主太和潁州霍邱定遠各
屬書院講席少讀書沉默有大志慕范文正之爲人歲甲子粵
匪竄英其師杜若陵被害士升率其子奔走百里出入亂軍中
覓其屍歸以葬事母至孝弟四人俱早逝送死撫孤無纖毫遺
憾潁州大荒士升時亦窘甚爲當道閱課士卷得白金四十兩
大喜以助賑捐誘掖後進如訓子姪課士先器識而後文藝持

英山縣志

卷之十一

十一

人物志

三

身務在實踐不事著述門下士徧皖南北推爲人師無異辭
陳應蓮字峯九廩貢生歷署定遠來安縣訓導教士有法士林
悅服晚年歸養課讀里門邑中名士多出其門下手鈔經史盈
几案下筆數千言立就著作甚富

胡麟書字嘯丹由舉人授貴池訓導少聰穎讀書尤能攻苦文
綸音附貢生中年多病麟未及冠督家政仍不廢舉子業自課
外兼課弟鶴書鴈書俾得先後觀成聲名噪鬢序嘗肄業皖省
敬敷書院爲彭剛直英果敏所嘉賞取其文冠多士所以獎勵
者有加焉素性沈靜寡言笑凡紳商所歷無處非學而精明藏
於渾厚剛正出以和平見者無不肅然起敬尤好施予族戚有

貧乏者皆稱量而施不稍吝鄉鄰欽其品學爭執費門下及秉鐸池陽教澤尤普經其指授者皆華國材晚年優游林泉手不釋卷子孫輩守其家法不教而成卒年六十八

段榮光字幕河歲貢生心純厚博覽羣經年逾七十猶口誦弗輟凡詢問典故者無不知之詳而言之切生平口不出惡語足不履公庭遠近咸奉爲儒宗焉

王性彬字禮堂拔貢生嗜古篤學博聞強識下筆成文如宿構行路攜珍藏小本披吟不輟家貧少書籍應試南闈寓書肆與主人善借書讀之晝夜不倦歸家一一記憶默寫四十餘本館於姑蘇吳姓數載歲得俸二百金歸裝惟載書滿車餘不浪費

英山縣志

卷之

十一

人物志

四

家亦因之小裕授徒鄉里多所成就士林仰如山斗

胡勝琦字玉屏貢生性孝友品學純正經史宏通教授百餘人出其門下者多名士邑中稱爲儒林老宿著有兩齋試草卒年八十六

聞立慎字修元恩貢生定遠縣教諭南闈七膺房薦教讀六十年經師人師出其門者不下百餘人平生手錄批點之書四百餘部著有子史輯要春秋左傳要略經解集證論世知人輯略四書發蒙四書五經會通童蒙益智穀詒集編警省箴規真意齋詩草思樂翁詩話以及同聲集待梓歿年八十有六

聞光遠字卯耕廩貢生品學精純士林敬慕經史外無書不讀

尤精岐黃家言活人無算工書法筆力勁健異常著有家範二卷行世歿年八十五

胡奉璧字琢堂恩貢生候選教諭性純正貌端嚴非正事不輕發言非公事足不履城市非關學校風化事姓字不入公門孝親敬長純出至誠所授生徒取青紫者數十計卒年七十

沈喆字鏡如庠生品純學正飭紀敦倫教讀數十年士遊其門者多成就平居訓後進以德行為本文藝爲末足爲各教完人卒年六十五

汪際琥字笠漁歲貢生生挺殊姿幼卽溺苦於學早歲以五經教授從遊者皆爭自激昂淬礪名節有胡安定孫泰山之風性

英山縣志

卷之十一

十一

人物志

五

剛毅扶植孤弱不避艱險賴以成立者甚眾平生服膺許魯齋儒者治生爲急之訓寸牋必惜晚年充養純粹有手著小冊子蠅頭細書皆身心格言也天懷超曠年十四五卽恥爲俗學與弟際珍互相勗勉潛心於洛閩諸大儒書而輔以明薛文清胡文敬羅整菴呂叔簡之說抉奧探微得其旨趣故行事率與之合可謂魁宏敦篤君子矣所輯洙泗真傳二十四卷集益叢書四十餘種卒年七十有七

汪作瑩字月帆歲貢生世有隱德父際琥服膺程朱踐履篤實手輯洙泗真傳二十四卷母沈賢明識大體瑩髫齡時就叔父際珍讀未嘗一日荒於嬉初讀朱子小學卽通曉大義繼乃徧

閱五子近思錄及性理諸書優游饜飫融會貫通操觚爲文輒能敷暢厥旨先是霍山吳竹如少司寇究心宋學瑩得其所著拙修集慨然慕之故其爲學也本心性以爲事功務躬行而輕口說嘗謂弟子曰朱子主敬陸子主靜不可偏廢蓋主一無適之謂敬心不妄動之謂靜非敬無以存理非靜無以致知朱子所謂敬者大易敬以直內也陸子所謂靜者大學定而後能靜也是故敬之一字貫乎動靜而言之而要必以靜爲本非閉目枯坐遠事絕物而流爲禪學之謂也秋闈屢薦不售怡然曰讀書所以明理窮達有命何足以擾我神明開門授徒各視其才之大小而成就之或貧不能具修脯飲食教誨不倦尤好獎勵

人才平居整齊嚴肅而接物以和待人以恕鄉鄰互爭曲直決之瑩片言立判徐教以睦婣任卹之道望之儼然卽之藹然蓋得力於洛閩之學匪伊朝夕卒年七十有七自竹如吳氏研精理學遺風未泯惟瑩能繼之今西學盛行孔孟之道幾廢後起者聞瑩之緒論可以興矣

徐光耀字曉亭歲貢生候補訓導品學兼優精通性理不愧朱程之學尤循循善誘生徒賦鹿鳴采芹藻者指不勝屈卒年七十三

彭本廉字枕泉歲貢生品行端方淹通經史善制藝詩文有古大家風味誘掖後進孜孜不倦著有訓蒙草

徐允鯤字化之歲貢生學問宏博品正行端南闈履膺房薦道光己卯科登草榜額滿見遺專以授徒爲事鄉黨奉爲人師經師卒年八十八

段煥字丙亭廩貢生學問淵博天資敏捷詩文精純古雅教授邑中咸奉爲模範

傅丙榮恩貢生品行端莊學極純粹潛心經史融會貫通先儒語錄尤喜披閱精湛處彙鈔成篇用資省覽卒年八十七

段聯恩貢生品學純粹氣度雍容性孝友兄弟閒自少至老從無疾言遽色尤精岐黃家言遠近求方者無不立應年八十三部選五河縣教諭未赴任卒

英山縣志

卷之十一

十一

人物志

七

方元煜字星輔庠生精研訓古好爲古文辭居講席四十餘年教先倫理文藝次之一時賢俊多出門下著有太學精義讀本待梓卒年七十九

傅守濤庠生襁褓失怙母蕭苦節飲食教誨寓慈於嚴濤奉教惟謹終身色養里黨無閒言壯年工制藝以筆代耕義路禮門公庭中無足跡卒年六十五

陳鏡波字鑑泉歲貢生性純孝弱冠時祖父思宏寢疾侍奉湯藥彌月不解衣帶事父母先意承志克盡孝道平生博覽羣書文名藉藉工詩賦同治甲子詩古冠三屬著有瘦吟山館詩文賦稿各若干卷待梓卒年八十

段濱字渭村一號協初優廩生幼穎異弱冠有文名性沖淡惡浮囂下帷數十年足不履城市其尤足爲士林矜式者則事親孝作事敬與人忠深有合於聖賢涉世持身之道本屆續修縣志邑宰劉公鎬知其賢徵爲協修卷中選舉秩官類編皆其手定稿甫脫適值匪難志局駐兵未梓繼任徐公錦欲歲厥事復召之竟以疾卒惜哉

姜恩煦字錫三歲貢生學問深純立品不隨流俗家貧雖簞瓢屢空晏如也教授生徒門下多知名士士林欽之

王修純歲貢生品學兼優士林矜式卒年六十八

文苑

英山縣志

卷之十一

十一

人物志

八

明鄭萬合字和卿明歲貢生少聰穎博通經史構別墅於蓮花山麓教授生徒出其門者多佳士性和厚常受冤終不與校工草隸年八十三卒

聞可宗字範伯歲貢生戶部一言子穎異嗜學明末寇亂辟地授徒講學著有古澹山房詩文集行世

彭諸字一新性奇穎過目成誦弱冠補弟子員文名藉藉省闈售而復失無愠色嘗曰士非徒爲功名計也潛心理學博覽羣書著有醒世錄州刺史劉廷介取其有益身心弁言於首明季兵燹稿多散佚士林惜之

清金奉爵字祿頤幼負奇穎篤學嗜古年十四補諸生食餼後

抱沉疴卧床九載手不釋卷著有三易演符圖說韻學思問編各若干卷年三十九卒

鄭同甸字禹山拔貢生博通經籍著有春秋題義括柿葉草堂近詩及詩餘選子元啟乾隆元年恩貢家貧嗜學授徒以養著作甚富孫一蘭廩生

彭佳章字斐士學識深邃每試必冠其曹康熙乙丑年以明經入都廷試相國李公天馥深加器重卽用湖北蘄水縣知縣時邑侯陳公震先慕章品學留爲義學師一時門下多名士章幼失怙恃明季兵燹逃亡不知所之義丁楊一忠四路招尋自皖携歸嗣是恢復出園讀書成立皆忠之功也忠無嗣章因捐田

英山縣志

卷之十一

人物志

九

稞八十担建祠於邑之南鄉彭家畝章子孫世世祀事勿替忠之事章與章之報忠可謂兩無負云

傅有寬字締象邑廩生生有異質經史過目成誦工詩古文詞多有益名教素敦友愛族有兄及姪廢疾者養之終身縣令旌其堂曰一家文行遺稿如千卷藏於家

傅有宣字帝懷歲貢生天資敏捷讀書一過掩卷不遺年十五能文章尤好古著有四書詳解並詩文集若干卷藏於家性孝友善岐黃子貢生作椅亦工文

沈三瑋字韋玉貢生喜讀書自制藝及詩古文辭皆研求精奧族有孤女撫如己出擇壻嫁之里有富而無嗣者欲立異姓子

以多金囑爲成其謀拒弗納

傅有鐸字天木邑貢生力學工文善草書旁通岐黃精青烏兄
有錦歿撫姪如子歲歉指困周急時稱長者有錦字天衣歲貢
生穎異善學尤精音韻不隨俗俯仰

李修字知三歲貢生學純品端諸生出其門者皆有聲譽子世
炳世煌皆邑廩生好學能文章士林重之論者謂其淵源有自
鄭元功字次立少孤事後母孝性穎悟博聞強記歷代史鑑手
自批閱者數四未弱冠補弟子員蒔花種竹肆意詩酒晚年築
竹林草堂耿介自許以明經終鄉黨矜式焉

彭其廷字殿陞邑增生穎悟過人無書不讀敏於文不加點竄
字字珠璣全學使魁見而嘆曰此子手筆不在燕許下矣著有
尚書考辨聽濤軒文稿待刊子中文歲貢生

英山縣志

卷之十一

十一

人物志

十一

程明柱字砥木父庠生光溥素號端方其族叔晰家道中洛病
劇托以老母二子光溥事育十餘年未嘗少懈明柱性嗜學早
年食廩餼敦行孝友足跡不履城市時咸目爲忠厚長者乾隆
壬申恩貢逾二歲卒從弟明棠字召木亦弱冠補諸生食餼品
端學博工詩古文辭邑令延爲凌雲義學師屢入棘闈不售制
憲黃閱其試卷激賞之卒不遇年未四十遂歿士林皆惋惜焉
金序珽字紫摺性孝友方正寢食經史詩文膾炙人口兼工書
法中式乾隆丁卯科十七名舉人已丑科第六名進士補安慶

府教授爲江左名宿以子光悌貴誥贈光祿大夫

馬道澍字郁雨乾隆丙子副榜中辛卯北闈舉人壬辰聯捷進士性敏嗜學守道安貧掌教凌雲書院獎勵後進邑人士多所成就制藝推倒一時遠近爭傳誦之

彭其穀字殿舉增貢生有遠志不拘小節讀書過目成誦經史會心處輒手錄之盈巾箱著有古史要言卧月樓詩鈔各若干卷全學使穆齋慕其才延爲西席辭以母老試棘闈不售築別墅廣置書籍以自娛子中勳增貢生中澣庠生中燾中甲俱入成均

鄭一坊字宇平號懷雲由歲貢生應丁丑壬午召試中式丁酉

英山縣志

卷之十一

人物志

十一

科舉人揀選知縣爲邑中名宿歷操選政元昆任山西大同府司馬卒於官署扶櫬歸里哀毀骨立事繼母孝待弟友愛有能人所難能者元昆前捐田稞爲合邑生童卷資坊復補捐樊家沖田稞六十担花稞五十觔以承父志受邑侯陳託以百金營息買置田稞四十三担花稞三十斤爲書院生徒膏火事詳明倫堂興賢館凌雲書院各碑刻晚年主講凌雲書院士林多所玉成著有培元堂文集長子本超廩貢生名噪士林年二十九歿著有柿葉堂文集

黃遵良字埴軒歲貢生家貧嗜學爲文力追史漢博物洽聞著作甚富於四子書尤多所發明人品端正樂引後學士林宗仰

聞興瑯字玉齋恩貢生敦孝友崇古道研經史無間晨夕性好
提獎後學邑中知名之士皆出其門著有課徒草及清遠堂詩
文集年六十四卒子詩可廩生詩賦庠生詩裁增生
段永鏜字金聲乾隆庚子舉人穎敏嗜學工於制藝辛丑會試
歸閉戶論道足不履公庭生徒出其門下成就者不勝指數
胡延煌歲貢生學淵博潛心理解每析一義必研其精奧洞其
本原雖文藝擅長究不屑以此爭工拙著有四書精義
彭中文字暢林歲貢生博通經史詩字各一時著有先儒類考
性廉介館霍邑劉令署試士閱卷某以千金請託正色拒之樂
引後進力崇實學門下多名士

英山縣志

卷之十一

人物志

十一

李芝畹字澗紋弟芝徽字靜菴兄弟友愛自幼以詩書相勵畹
屢薦未售名列明經徽由拔貢登庚申鄉榜俱有著作見稱於
時人以爲二難焉

傅以堦字堯奠號玉平乾隆壬子科舉人春闈屢薦未售著作
甚富壬戌會試卒京邸士林惜之妻鄭氏變產囑夫弟廩生以
培扶櫬歸里安葬苦志教子文蔚習舉子業有父風

張鰲嘉慶庚申恩科舉人性孝友篤好詩書爲諸生時肄業賡
颺書院數載薪水不給自甘淡泊見者莫不嘉其有志

鄭本書字香齋副貢生學問淵博肄業國子監聲名動公卿間
授教職不樂就壯志不稍衰南闈房薦八次性極謙和品行端

正不違俗亦不隨俗家居雍穆孝友可風晚年以授徒爲業遐邇奉爲儒宗門下士指不勝僂若蘄州陳光鉉拔貢太湖李南叔學士杞其最著者

聞詩白字雪軒增貢生弱冠失怙事母氏李至孝終身不置篤友愛迎養孀姊總理祠務有功族人贈以敦本睦族匾額十三歲童試冠軍十七舉茂才屢試優等南闈不售絕意進取以課讀爲業品端正非公不見邑宰翟公梧村稱以爲人公正邑父老卽以此四字額之著有破甕居詩草子立慎恩貢生定遠教諭立德庠生立慈增生立性監生工書孫禮福禮禧禮祝庠生曾孫琦風清海庠生暎蘭附貢生六品銜風慶風薰監生植庭

英山縣志

卷之十一

十一

人物志

十三

儒士

蕭正善恩貢生性純樸敦倫紀攻苦詩書至老不倦生平所習經史必經手錄細加註釋著有四書集講制藝別裁傳授生徒人品學問足爲士林楷式子如政如旻俱庠生孫曾繁衍

王國樞邑庠生篤學嗜古淵博異常爲文力爭先正一時俊秀多出其門下性耿介守正不阿士林欽之

方之灼恩貢生候選教職家貧積學骨月間敦雍穆襟懷沖澹得失渾忘十五舉茂才屢膺闈薦品行端方足式後學遊於門者成就無數

彭中棠邑廩生號古山性端嚴學淵博年十四補弟子員南闈

屢膺房薦邑侯劉延居西席數載一時列膠庠登賢書者多出門下子元熙庠生

沈荃字蕙林歲貢生潛心經史學業淵深出其門下者多名士子四盛駟盛駒庠生盛源恩貢生盛駮監生孫俊德偉德俱庠生

彭中梓字社南邑廩生性豪放不拘小節經史子集過目成誦其爲文光怪陸離皋城楊介坪關霞生諸名士目爲畏友南屢膺房薦著有摘豔山房詩文若干卷待刊

沈蘭字義亭歲貢生篤志詩書至老不倦門下玉成者眾性友愛孤姪盛駿僅四歲撫養課讀補弟子員駿卒姪孫懷德亦教

英山縣志

卷之十一

十一

人物志

十四

養入泮年八十一卒

沈盛源字燮齋恩貢生幼嗜學笙簧六籍肴饌百家其爲文沉雄高渾卓犖不羈洵令小儒却步性孝友品端正不矯俗亦不諧俗士林咸以理學目之著作甚富惜因兵燹付之一炬子仁德積學未售入成均

傅以城字屏憲號翁翁乾隆乙卯恩科舉人揀選知縣任蕪湖縣教諭少穎悟篤志積學居心平恕立品端嚴教育生徒不遺餘力遠近受其甄陶成名庠序者無算從弟舉人以堦舉人余維燿皆出其門下著有憶夢樓詩文如干卷待刊

鄭光蔚字鏡人歲貢生學有根柢其大小書法雜體文辭皆爲

宗工所推獎門下獲雋者以數十計性正直提倡風雅縣憲何家驄中丞楊懌曾尤器重之著作甚多僅存紅葉七律三十首二十四孝課幼五言八韻詩一卷

蕭鳳翽字紫庭廩膳生家貧苦學精通經史著有綱鑑總論待梓並纂有十三經經解

蕭應瀾號鏡湖庠生幼擅才名敦懿行著有科名錄觀省齋詩集行世其慇懃同志討西虜檄文尤爲士林所推重

王修月字寶成號仲恒年少英敏未冠應州縣試屢列前茅十九補弟子員旋食廩餼九度秋風七膺房薦辛卯科議元未遂結廬香爐山下設教鄉里成就者眾著有爐峯草堂課藝延清

英山縣志

卷之十一

十一

人物志

十五

閣詩抄待刊

余時裕字彩傳庠生保舉訓導加五品銜喜吟咏工草書存心立品好學力行前方伯李鶴人爲作晚甘園記謂其有隱君子風前陞縣李公雨亭贈詩稱爲邑中善人子思檢庠生

馮相勵志經史鄉里受其裁成者眾年九十猶誦讀不輟性孝友能體親心與兄析居獨膺債累續藉館穀償完無難色同治六年丁卯科恩賜舉人

金鎔庠生篤志舉業屢試省門不遇平時善讀先儒性理著有家修綱目一書事父母幾微無間至救溺女賑饑荒培祀產卹親族善行尤多次子黷遠官浙中家書往復每以清慎爲訓以

長子馥遠誥封奉政大夫

蕭際雲字杏南恩貢生幼穎慧體癯神清七歲能詩長精舉子業文名噪六霍閒家素寒早年失怙飲食教誨皆懷承母訓孺慕終身惜秋闈屢薦顯親之願未償林方伯之望劉刺史宗海皆器重之晚歲館穀所積饒於財凡地方善舉無不樂爲依助弟附生慶雲亦力學能文有二難合集待梓

胡夢紅廩生幼奇穎過目成誦爲文語必驚人駢體尤膾炙人口鄉試堂備三次額滿見遺蓋文人阨於遇者也

王士鶴由拔貢中丙子順天鄉試才學兼長尤工奏摺及尺牘合肥張部堂樹聲潘中丞鼎新延之幕中著有蘿月山房文集

英山縣志

卷之十一

人物志

十六

王焱修歲貢生爲文力追先正不以剽竊爲能尤工詩稿待梓王文鶴附貢生候選同知孝親恭兄疎財仗義工吟咏善丹青充湘省常德權稅員三十餘年歸時兩袖清風著有蟋蟀秋鐙集詩稿湘友王以敏梓之行世

汪作鈞字治亭廩貢生選用訓導生負奇稟羈卅韻語輒驚老宿補諸生朱九香景劍泉祁子禾諸學使皆有國士之目殷譜經侍郎尤奇其才然終不遇直隸布政使合肥丁樂山壽昌慕其名聘主講席凡遇大典鉅製鴻文皆其手筆蓮池書院課藝一以委之是時舉人王鏐山東按察使翰林胡景桂方肄業院中皆執贄出其門下鈞憐才若渴宏獎風流人咸服其冰鑑性

孝友同治甲子扶外祖黃避亂太湖賊夜至黃驚暈絕風鶴聲中鈞負置山隈炊糜以灌始甦復負以逃得無恙年二十遭父喪鈞奉母課諸弱弟艱難拮据心殫力竭詩文迅疾染翰卽成著有四棠軒詩稿四卷古文二卷鴻浦駢文鴻浦賦鈔各一卷子人濬人瀆出嗣憲庠生荀廩生保舉甘肅候補知事

查貫月字海西客籍斬春庠生天姿倜儻過目成誦弱冠補弟子員屢戰秋闈未捷遂投筆從戎保廣東清軍府亂平無心問世僑居邑東白雲寨側專以施濟爲事精內外方脈遠近病者悉造廬就診施藥調治痊活無算著有白雲深處詩集待梓王鳳儀字似千弱冠入泮屢膺房薦不售指捐教諭工吟咏嘗

英山縣志

卷之十一

人物志

十七

作行路難傷春曲送春賦杜鵑賦槐安夢賦寄慨遙深後寄跡山刹悉心易學凡有心得皆手錄之著有易學指南一部待刊胡松韻名夢泉廩貢生品端學粹熱心教育出其門者多佳士太和莫司馬慕其名延爲西席主講文峯書院數年獎勵後進皖北學者仰若山斗科舉旣罷捐款創辦育英兩等小學校以陶鑄國民著作甚富

傅士林字苑青邑庠生品行端莊經學淵博閉戶讀書不干外事手鈔書籍亦數十卷著有左傳分類駢言

余維馥號梅岑增貢生性端嚴學淵博志趣高尚築園名晚甘樓閣自花叢中起四時遊詠其中以書籍花鳥自娛者二十餘

年著作甚富僅存晚甘園詩集及論語學庸講章

黃炳字紹菴增生性正直博涉經史著有論語解其姪臣弼字肖岩州試冠軍補弟子員學亦淹博著有五經解及集唐詩數卷

傅文欽庠生經史淹通文章高貴士林推重若斗山著有聽鹿鳴軒文集

王忠輔字海峰庠生家貧筆耕奉養堂上能得父母歡課徒務求根柢之學生平著述皆有關世教之文兼精地理著有清一統輿圖並圖說

蕭鴻祺字沁香增生幼聰穎經史過目成誦冠補弟子員文各

英山縣志

卷之十一

人物志

十八

藉藉壯不得志工於詩喜遊歷凡山川禽魚草木一一發爲歌詠著有水心亭集

聞立陔字佩蘭增生性剛介嚴取與寡言笑經古屢試第一秋闈屢薦平生於制藝外尤工駢文及古今各體詩著有懷皋山館詩草晚紅園詩集

金聰遠字典卿歲貢生七歲能文秉性端方處世和藹入膺房薦三次堂備從遊者多所成就著有繼椿吟詩草

姜典紋字慶亭選授府經歷豪俠尚節義不屑屑於制舉之業喜遊覽北馬南船所歷各勝皆有題詠著有經訓叢編讀史雜纂並詩詞若干卷

段光焱字丙峯庠生性好學讀經史必手錄親加註釋門下采芹食餼者多著有晴園詩草

段汝賢字成書增生性曠達耽吟咏胚胎於韓蘇李杜各家著有鋤月山人詩草

彭熾昌字周興性純篤博學多聞設教里中成就者不勝指數著有史鑑說約并養鳩山房雜咏

王孝尊字曾三庠生苦志勵學博通經史鈔集典故哀然成帙精周易深得來氏蘊奧著有先後天圖說

李兆蓮邑庠生學問深邃品行端方著有鄉黨撮要

蕭大璋號奎璧增生性嗜古通經術人目之爲理學著有鄉黨

英山縣志

卷之

十一

人物志

十九

考洪範解

尹獻夫字惺未邑庠生少孤植品立學素喜購書藏書數千卷於六書訓詁之學尤所究心年七十猶手卷不釋著有漱芳齋詩草

金泰字改之刑部尙書光悌孫博通經史學有本源咸豐初應李文忠公聘勦辦淮軍功未竟卒於軍次著有佩蘅詞行世彭藻儀字詞人優庠生幼聰穎讀書目數行下爲文洋洋數千言援筆立就弱冠館城內儒學王熙勳吳瑞圖慕其品學均使子弟師事焉著有師竹齋詩草

段蓮字乙亭庠生潛心經史學有本源遊其門者甚衆著有課

徒草

葉蔭桐字月舫羅田縣學生世居縣屬同里楊家河迭肄業漢陽府晴川書院鳳山書院治詩古文詞有聲工散文尤精校勘學好表章先進曾校刻羅田周編修錫恩傳魯堂集及蘄州童孝廉樹棠求志齋集其姊夫學部主事王葆心纂古文詞通義二十卷蔭桐助之編輯用力甚勤以武昌師範學堂畢業充廣西柳州中學堂教員廣西學務公所普通科員著有經義策論要法三卷從子文棟字伯筠性穎異才鋒頗厲曾充吉林國稅廳科員及湖南各州縣科長所至輒爲詩以紀山水奇迹多可誦著有壯遊小草一卷

英山縣志

卷之十一

十一

人物志

二十一

胡照青字杖仙庠生幼聰慧長力學能文善書法工詩尤工古體著有燃藜閣詩集詩疏

王安儲歲貢生屢膺房薦立品敦倫游其門者多有聲庠序著有春秋典類卒年九十二子四長益修庠生

傅以瑚字珊寶歲貢生文筆超拔不落恒蹊晚年以詩酒自娛清泉白石到處流連有天隨角里之風

傅以琪字冠寶增廣生性戇直見人有過輒面斥之退無有怨言者其誨後進尤嚴謹文筆勁健如其爲人

傅文惠字畹香邑庠生天姿穎悟瀏覽書籍過目不忘行文才情恣肆如陸海潘江深博不可涯涘

傅守堃字泌香儒士性狷介取與不苟尤不念人舊惡課讀甚勤尤嚴於訓子文章淵雅詩不多作偶有吟詠皆天籟自然人爭傳誦之卒年七十八

傅景洙字芹溪邑庠生少失怙恪遵母訓刻爲文峭利銳莫能當至苦攻書持躬方正接物謙恭則又錮錮如畏不類其文士林推重咸以爲矜式

傅守謙字益占邑庠生爲人公正處事和平襄辦邑中公務邑宰亟稱之排難解紛一言立決鄉里咸倚賴焉

傅熙昭字仿巖附貢生議叙七品性沈靜不事雕飾於文廟賓興館凌雲書院諸公務皆盡心經理籌畫勞瘁不辭

英山縣志

卷之十一

人物志

二一

傅秉清字心泉邑庠生聰明磊落工時文雍容華貴見賞士林蕭序諧字弼垣邑廩生性穎慧讀經史過目成誦文筆縱肆如天馬行空

王修愷字伯祥增生工詩賦八股教授蘄羅六霍諸縣人多稱之喜誘掖後進門下知名士咸推爲經師

段慶熙廩貢生孝友無虧品學純正授徒鄉里成材者眾人皆敬之

鄭重光字凌雲附貢生性情敦樸品學兼優足爲士林坊表甄陶後學各儒碩彥多出其門

鄭小谷增生屢膺薦善書法得晉唐人遺意

鄭之璵字瑞五增生年十八州試冠軍入泮學問淵博文品清
真南闈屢薦不售處事廉明正直地方公務一切賴之

鄭宗璜字翰香廩生潛心經史尚氣節慎交遊鄉里咸欽佩之
鄭宗璧字簸春庠生少負不羈才及長博通經史寢饋諸大家
爲文根柢深厚

鄭宗璣字琇山增生舉止端莊文品純熟裁成後學一時英俊
多出其門

安道珍邑廩生字聘臣家貧力學以筆代耕門下多佳士尤敦
品行著有戒淫文千餘言膾炙人口

傅中彥工詩能文平生磊砢軒昂士人稱爲名宿兵亂後襄辦

英山縣志

卷之

十一

人物志

二二二

團練保舉六品銜

吳緒鴻字歧雲附貢生學問淵博南闈屢薦未遇閉門授讀遠
近奉爲儒宗居家雍睦孝弟藹然

陳彥椿字榮圃增生胡中鉞字杖卿庠生皆品行端正學問優
長教授生徒多騰聲庠序

杜希甫字筱軒歲貢生力學家貧筆耕自給工詩著有小草堂
詩集

芮卿雲外籍恩貢生品詣純粹學問深宏門下獲雋者林立入
甘肅學政鄭衍熙文幕所取皆知名士

郭煥庠生品行端正學問深純爲里黨矜式卒年六十三

姜士芳庠生性孝友忠厚閉戶讀書聲出金石士林稱之卒年六十四

王祥文廩生性情戇直品行端方前修縣志充採訪去取夤允卒年六十

徐錯庠生品學兼優足不踰閩卒年七十三

汪榮祖字德貽歲貢生孝友真摯和光謙德令人一見輒悚然生敬畏心爲文清妙秋闈兩薦不售意豁如也卒年八十二汪人駿字曉村廩生事親以色養力學工文善草書旁通岐黃日以濟人爲事雖昏夜叩門求醫弗厭也

段昭衢字鬢軒增生窮經史勵品行南闈屢薦光緒丙子試卷擬中復擲遂以教授終

段迪哲字子經歲貢生性天和厚度量恢宏終歲閉門讀書目不邪視

傅文華庠生幼聰穎長力學讀書外無他事循循善誘里黨奉爲典型卒年七十五

傅守衡庠生天姿敏捷工詩善書法誨人不倦族中子弟咸受裁成子爾梅庠生

夏彩鏞字啟陔增生品學純粹教讀爲業邑中俊秀多出其門鄧文波字味春邑庠生性敏捷一目數行旁精地輿命理館六霍十數年循循善誘遊其門者多入庠食餼

胡震號竹軒歲貢生品學兼優秋闈兩膺房薦貢卷學憲批經術宏深族戚卽以是額之教導後學多成材卒年六十六

李立崇端方積學饒幹濟光緒時修城修文廟諸鉅工陸公士奎延至邑中藉資臂助崇意匠經營得次第告竣累獎至五品頂戴秋闈屢薦未售以增貢生終

汪作鑄字筱笠幼慧五歲喪母隨父就塾讀書目數行下經傳上口能了其大義酷嗜盲左品評春秋人物議論如成人及長博覽羣籍爲文宏博恣肆不可羈勒年十七補縣學生旋食廩餼鄉闈不遇以歲貢赴部籤掣湖北候補府經歷著有修禮堂詩稿與其父漁江詩草合編駢文尤工麗

英山縣志

卷之十一

人物志

易煥文蘄水庠生寄居廣里品行端正學問深純宣統建元舉孝廉方正經湖廣總督瑞澂咨部給予六品頂戴

黃以珠字玉川爲人正直端方屏除外務課讀終年從遊者多入庠序士林重之卒年七十三子從憲邑庠生

聞立岸字道卿庠生居心渾厚立品端方粹然儒者三十餘年絕迹城市家雖寒素淡泊自甘論者謂得樂道安貧之真意久館六霍入庠食餼者多出其門子遇清庠生亦卓有文風

聞禮禧字熙臣庠生磊落端方勵志詩書不干榮利館霍邱十餘載造就人材甚多彼都文風爲之丕變卒年六十七

沈雲階字濟卿增生性情純謹力學不倦未弱冠補弟子員科

歲試屢列優等家貧以筆代耕者廿餘年課授生徒文藝外另立功過格編爲日記卒年四十五

沈士英字賜香庠生幼負異稟過目成誦善屬文屢試冠軍落筆高超爲士林推重生平嗜濂洛學授徒時口講指畫多所發明邑中諸名宿相與縱談經史必提要鉤玄聽者莫不讐服卒年七十七

沈周杰字炳堂庠生傳家孝友植品端方授徒數十載成就人材甚衆卒年七十六

沈興棟字梓亭庠生家貧好學雖饔飧不繼讀書自若雖古人囊螢鑿壁刻勵無以過之

英山縣志

卷之十一

十一

人物志

二五

沈謙德字則廉庠生學有根柢品行端方卒年四十六

沈自嶸字霞生增生嗜學性天篤厚事節母金克盡子道旁精岐黃以濟人爲心雖風雪中星夜奔馳不爲苦排解紛難咸以廉直稱卒年四十六

沈周楷字小篋庠生文筆瀟灑試輒前列爲人坦白篤實事嗣母張委曲承順人以孝稱

沈周鼎字新之庠生工詩精書法性傲岸熱不因人家中落以教讀爲業課讀之暇但以評酒論茶爲樂卒年六十

沈周馨字桂山庠生性孝友品學純粹館於里第喜裁成後進入其門者皆循謹可風卒年六十五

沈蓮峰字引蓮庠生品行端正學問深醇惜名場躑躅未展其才

沈周熾字少青弟周燁字友松俱庠生束髮受書人咸以岐嶷見稱有雙珠之目謂其必能成乃祖乃父之志兄弟同窗交相奮勉熾旋以州試冠軍入泮燁舉高才生文名藉甚一時推爲競爽

金鴻翎字汝儀進士出身學問淵粹舉止端嚴爲士林所欽仰邑舉人沈兆琦暨懷遠舉人李介春皆出其門下肄業敬敷書院有課蓋通省之譽著有五經會考院課真詮

金繼先字勉之潛心經史學究本源幼以遠到自期謂祖宗以

英山縣志

卷之十一

十一

人物志

二六

詩書裕後繼起乏人亦何顏面對先人廬墓益自刻責窮年兀兀博覽精擷造詣之邃人莫能窺

金閻字再思太學生積學敦品院試三取佾生州縣九次冠軍四度秋闈兩膺房薦文章憎命卒困各場嘗應郡試儒學訓導知郡守爲尚書金光悌門下士導閻以捷徑閻謝曰吾家一領青衫自我先世至父輩一脈授受歷十九世矣焉得辱我清白書香正色拒之子焜遠性聰穎工吟咏著有十六峯書屋詩鈔程茂華字實秋附生品行端正學問深宏教授三十餘年門下多知名士平生慕笠漁汪氏際琥之學事之最久笠漁氏有洙泗真傳一書茂華服膺師說因輯洙泗真傳續編若干卷卒年

五十九

余思訓字聽彝廩膳生幼穎慧篤好經史學極淵博鄉試屢薦不售意豁如也以五經教授鄉里名宿多出其門卒年六十五余思乾字健卿廩生品行端方嗜學不倦生平足不履城市性尤廉潔非義之財一介不取卒年七十二子庠生永樞增生永奎皆承家學

余永煜字煦菴庠生讀書以窮理盡性爲務訓迪後進必因其材教子姪恪遵禮法繩軌不逾子承炬探索遺編能繼其志余永蕃字子椒庠生自幼讀書必求心得不屑屑於章句之學整躬飭己如懷冰抱玉瑩澈無瑕

英山縣志

卷之十一

人物志

一七

余思慤字靜山庠生性摯厚遇事退讓生平與人無爭讀書穎悟潛心理學博覽諸子百家能探其要而味其腴卒年七十龔隆琥庠生品行純正學問淵博南闈屢薦不遇課讀里門從遊者多有聲庠序卒年七十一

徐坤壽號仁山庠生秉性恬靜處事端方勤於教誨門下士多列膠庠生平嗜學手不釋卷尤喜搜輯先正格言卒年七十七王孝標庠生博通經史筆耕自樂嘗曰學貴求孔顏樂處徒剽取利祿非明理樂道者爲也老尚嗜學病時猶手不釋卷傅守儒增生植品端正學極精奧開門授徒有教無類各隨其資稟高下而成就之凡手訂之編學者皆視爲墨寶

傅用楨庠生寢饋經傳砥礪廉隅以躬行實踐爲宗旨視五倫中皆實學故及門之士一經口講指畫其文與行皆有可觀方壬字子香廩膳生幼岐嶷隨父範授徒於六安蘄春等縣奉侍晨昏研究經史務求根柢之學不徒以剽竊緒餘見長器識恢宏遊其門者屢穿戶限

柯運輝字炳煌客籍大冶恩貢生善屬文品行端正含咀陳編無閒寒暑

彭韻字韻卿庠生性端嚴言笑不苟步趨必慎博涉羣籍爲文泉涌風發試輒冠其曹士爭從之遊出其門者多名士剛方不阿遇事侃侃浮薄輩見之皆畏避卒年六十九

英山縣志

卷之十一

十一

人物志

一一八

傅守邾成童卽知嗜學讀古人書必求其本來宗旨不爲箋註家所欺蒐輯先儒語錄纍纍成編

彭本達字士初庠生自幼刻勵發憤讀書至寢食俱忘讀一書必求一書之解如越人視疾洞見癥結教授里閭循循善誘學者每樂就焉卒年六十

彭戊昌字熾五庠生性友愛課弟管熙成立亦有聲膠序生平豪放不羈有四方志遊薊北入清黃軍門幕主賓甚洽黃聚股修津奉鐵路戊採購木料經歷東溝蒙古高麗等處因甲午之役事終止公款出入以萬金計涓滴不苟黃深器重之晚客山左應山東候補府陳公性臣聘入西席凡司出納札記諸務陳

倚爲心腹幕遊十餘年以終母養歸年六十六卒於里第
彭昌齡字嵐松廩生性剛直從之游者必勗以敦尙行實務爲
根柢之學卒年六十二

楊炳文字虎符廩生秉性端方學問淵博爲文穿穴詣微勃宰
爲理窟

唐應期優廩生詩文超拔自鑄偉辭賦亦戛戛獨造秋闈屢薦
未售卒年六十

劉鑑字古銘客籍庠生品性端潔文學優長兩試秋闈報罷遂
不屑科目平居教人斂華就實以顧宦人爲宗著有墨莊文鈔
石效川字聘臣附貢生文如摩空秋隼矯矯不羣操守端方後

英山縣志

卷之十一

人物志

二九

學受其裁成者衆

鄭宗渤字雪濤天姿穎悟性情瀟灑爲文疏宕有奇氣惜屢試
南闈不遇未展其才

陳庚外籍附生潛心績學操履端潔爲文清矯絕俗不染塵坌
鄭之瑛字壽餘太學生幼聰穎酷好古書奧篇隱帖購致不惜
重貲雖名場鏖羽一時甚有文名

余思琮字玉玻增貢生精制藝通經史授徒五十年口講指畫
寒暑無閒及門多列膠庠卒年七十一

徐元勳字鼎臣增生品端學粹訓導有方出其門下多高足晚
年精神矍鑠耳目聰明日課孫曾猶手不釋卷蓋耄而好學者

卒年八十六

段蓋英字智甫庠生品行純正文學優長孝友仁恕著聞里黨晚歲子姪林立課督諸孫優游於藝圃詞林人咸仰其丰采年七十卒

徐光化字政成附貢生經史填胸文筆超脫南闈屢薦未遇遂鍵戶課徒子弟受其甄陶隨其材質各有成就卒年六十五
宦績

明張子貞字彥誠洪武中由貢生授兵部車駕司主事進本司員外郎因言事謫戍海南衛尋起刑部員外郎永樂三年陞江西按察司僉事以內艱去服除補山東按察司僉事切直不容

英山縣志

卷之

十一

人物志

三十一

於時謫隸苑馬寺題詩龍江衛上見之復起兵部車駕司郎中陞浙江右叅政歷官四十年清介忠勤寵辱不以介意戶部尚書蹇義謂人曰做官不能遠法古人近效張子貞可矣爲時所推如此祀鄉賢祠

附龍江衛詩云清晨辭帝闕薄暮過龍江父子情難捨君臣義莫忘吳山雲渺渺楚地水茫茫但得身康健他鄉卽故鄉

王南英宋烈士玠五世孫祖文聰別有傳南英由恩貢任鳳翔府推官後奉命賞邊有功陞山東巡按治清平盜賊屏跡致仕歸東民以金銀贈行麾之弗受止金鴨一枚童僕匿歸南英出金置產悉分鄉黨至今土名金鴨沖

蕭儀字來鳳少穎悟年二十補弟子員受業戚南軒之門嘉靖

朝以歲貢授浙江秀水縣丞旋以母老乞終養建志學書院置義田母歿廬墓三年著有五倫指要

王梯由進士受推官因功勅封推府大夫恩榮門首建坊故其里居有上馬坳下馬坳之遺名

金中剛本名印字殿邦嘉靖登賢書館閣臣徐階邸爲撰重五表帝嘉之召見賜名中剛累加太常寺卿掌內書造局事值紫皇殿嘉議大夫賜一品服孫元鳴歲貢生任睢寧訓導元音號爲神童八歲補諸生十歲食廩餼

聞朝中字霽字萬厯壬辰選貢同知湖廣興國州署州事盡祛宿弊時礦事方殷委曲調劑民尤德之子一言一本

英山縣志

卷之十一

人物志

三二

聞一言字文石萬厯壬子舉人知福建寧德縣潔躬愛民卹災興學擢光祿署正轉南戶部主事晉郎中監稅蕪湖剔弊興利擢知黃州府遽告歸立宗祠置義田軫卹嫠黨汲引後進崇禎中寇亂憂憤而卒年六十四有鶴鳴軒詩集

聞一本崇禎時由恩貢生爲福建福安縣丞戢奸撫懦邑人德之遷貴州思南府經歷尋告歸與兄一言白首相依子可賓可實能世其業遇寇亂俱守正以死

王敬任平江縣知縣興利除弊政教得民改官後平人爲立去思碑

沈再祥字建華少穎悟弱冠補諸生食廩餼兄弟八人甚友愛

祥無嗣盡出所藏置祭田以萬厯壬子拔貢授宛平縣丞清潔自持有惠政

程子俊字傑士伊川二十六世孫性孝友博覽經史由歲貢生授六合訓導課士有方各憲嘉之署縣篆年餘惠愛士民興利除弊卒於任子三天祐天祐天禧俱入邑庠有文行扶柩歸士民焚香祖奠至今有餘澤焉

清蕭汝藿字孝思歲貢生任海門訓導課士有方移海州學正秩滿陞湖廣興寧知縣多惠政卒於官

蕭汝榮字茂公歲貢生訓導潛山遷教諭修學宮勤課業陞河南通許縣丞奉檄清丈陳州屏絕饋遺剔釐諸弊陳人德之

英山縣志

卷之十一

十一

人物志

二二一

沈惟芳字蘭若歲貢生任崑山崇明訓導遷靖江教諭陞江西豐城知縣潔已惠民歲荒詳報太守力沮之惟芳堅請得免賦二萬捐俸修壞隄八處撫軍宋公器重之面諭保舉辭以疾乞休優游林壑三十載壽八十六子三璋三瑋三璋字章玉恩貢生博學能文著有詩經直解選東流教諭未赴任卒

馬坦字龍山孝友篤行倡建宗祠置祀產父墓在蘄復置墓田由貢生試用湖廣初攝鄖縣篆府中豪吏或偃蹇不爲禮坦重懲之皆斂跡授知鄖西地僻俗敝多所興革農時親履田閔勸民力作嚴立會課諸生皆知向學獄有死囚三坦疑其冤覆訊得實自詣諸憲白之囚得釋自是他縣大案多委鞫曲全者多

在任八年以足疾乞歸士民祖餞數十里不絕年七十卒
馬增字眉山坦弟少孤育於兄嫂穎悟自立博通經史工詩賦
以明經任合肥訓導督課雖嚴而善於體恤諸生無不悅服廬
守朱深嘉尚之素性孝友事兄如嚴父性坦易喜賓客不屑屑
計家人生產子三世鏗世欽入邑庠世鈞國子生
鄭元昆字明若由太學生銓縣丞尋授山西大同府同知秉公
佐理不以利害縈心民多沐其惠少孤事母張以孝聞兄弟多
早喪撫諸姪如子敏達嗜學工書法族中子弟能讀書者聚之
家塾延師助膏火多所成就生平慷慨好義嘗捐田備闔邑試
卷歲稔必竭資賑卹有司屢旌其門卒於官著有敦本堂詩集

英山縣志

卷之十一

人物志

三三

子一坊舉人一增貢生

蕭和讓字允恭少穎悟性友愛析居時辭多受少捐田置祀產
周濟族鄰由歲貢生任石埭縣訓導嘗委署縣篆年八十卒

蕭和聖字介侯少孤性孝友由歲貢生任桃源縣訓導嘗攝教
諭及阜甯縣事年八十二壽終子姪多人邑庠

余良采字晚成幼貧夔勤學入庠食餼教授所得置田宅與弟
均分以歲貢生任蕭縣訓導教士有法蕭地瀉鹵奉檄查災發
賑按籍詳核吏胥不敢爲弊貧民均沐其惠府憲甚器重之解
組歸田宅一無所增年八十卒

金光悌字汝恭號蘭畦乾隆戊子舉人庚子恩科會試進士由

內閣中書游陞至刑部尚書在部二十餘年用法平不枉無告亦不縱有罪墓志載藝文

金序璩字璧兆敦行孝弟秉性正直優於經濟由例監銓縣補知縣丞歷知湖南臨湘衡陽耒陽宜章新田清泉諸縣事士民爲立德政碑並忠廉仁恕匾額

金光恒號以軒蘭畦之堂弟也丁酉拔貢朝考二等以州同用改補教諭任宿松有奇績詳傳

段永封字御勅歲貢生博通經史事父母孝選授天長縣訓導教士勤謹卒於官子芳鑑邑庠生

鄧昌錯字秉陽拔貢生性至孝兩任銅陵教諭勤訓課不計束

英山縣志

卷之

十一

人物志

三四

修士之貧者並資以膏火銅士愛戴如父兄焉

金力仁原名勇字近園蘭畦尚書季子鍛厲文學根柢槃深中嘉慶庚午順天鄉試任雲南陸豐縣知縣有循聲一夕月下獨坐忽一披髮女子跪作訴冤狀叱之冉冉沒因悉心探知有張某踢死姪婦韓氏賄其父將韓氏僞作投繯冤遂伏仁爲發其狀得定罪並爲韓氏請旌去任時士民泣送爲立去思碑

老誌

王葆修字艾亭道光己酉拔貢朝考二等選當塗縣教諭己未科舉人壬戌科進士欽點刑部主事供職十年斷獄悉持平允改官湖北知州署黃安縣事屢擒巨匪合邑稱快捐學田修書院案無留獄人咸德之癸酉鄉試同考官著有棣萼山房詩集

梓行品學兼優文名遠振子夢球光緒乙亥舉人戶部主事知
浙江省常山縣事

鄭燁林號介眉以進士卽用籤分湖北同治癸亥署建始縣廉
明公正折獄如神甲子奉調入簾士民懷之勒去思碑

王佑修字筱珊同治庚午科舉人丁丑科進士欽點刑部主事
山東知州署昌邑卽墨樂陵海陽縣事又任高唐德州知州提
調黃河工程己卯壬午乙酉戊子四科鄉試同考官卽補運同
特用道二品銜歷任各區半與東海黃河相近至則修堤起堰
變瘠土爲腴田者合計數千頃歲增粟麥以鉅萬計建書院義
塾文風丕振俗化蒸蒸日上旣去人思之置主奉祀者徧各處

英山縣志

卷之十一

十一

人物志

二二五

孝友性成祖與父疾刲股二次得甦子樂衡光祿寺署正陞禮
部主事

王豫修字建侯光緒乙亥與姪夢球同榜舉人丙子聯捷進士
欽點工部主事授都水司承辦皇室要工保員外郎候選知府
咸同間士好新奇爭以周秦諸子相尙豫修慨然憂之作續韓
昌黎原道一篇傳入內庭兩宮大爲欣賞王公卿相爭遣子弟
事之受業者數十人皆諄諄以聖賢相勗勉一時奉爲宗師不
徒善詩文博科第已也

王蘂修字萼亭同治丁卯科舉人捐內閣中書又任典籍光緒
癸未進士陞內閣侍讀京察一等奉旨以五品京卿用簡放山

東兗州府知府調署東昌府事候補道二品銜莅政十年勤政愛民譽滿齊魯民立德政碑以頌之辛丑解組旋梓敦族睦鄰優游林下見者不知其爲達官也子兆淵光祿寺署正

胡鑑瑩由進士卽用知縣簽分湖南歷任各邑廉潔嚴明堂上設鳴冤鑼以通民隱初宰安鄉鄂匪突至焚殺洶洶星夜督團立卽勦平民慶再生宰沅江就湖淤辦墾務得腴田四十餘萬畝除勸植桑柳外歲得穀百萬担有奇建瓊湖書院就開墾籌的款萬餘金額租八千餘担捐廉優獎多士文風大振繼權桃源民情健訟日坐堂訊鞠嚴懲架唆誣控刁風頓息時民教水火動相齟齬辦理一秉至公民教畏服捐廉集款辦初高兩等

英山縣志

卷之十一

十一

人物志

二一八

學堂二十餘所咨送學生出洋如宋教仁鳳高翥吳景鴻等皆爲聞人巡撫趙爾巽獎其辦理學務切實認真冠于他屬在衡陽教育實業實事求是丙午水災民居覆溺親掉快船衝濤救渡捐洋千二百元倡辦急賑粥廠續籌平糶全活無算湘河業船多匪類謀客財用迷藥沉之江衡山祁陽兩令皆以此案褫職坐緝瑩訊竊賊鉤距得其姓名並悉逃往湖北新堤立派勇役往擒獲首要數人梟示自後患息至善化謝絕請託剛正無私雖酌應事繁仍案無留牘任安化俄國工師將設茶棧據約抗爭乃止璫喊教士強買該縣礦山延袤十數里執契據投稅瑩扣契嚴辦賣主退價將契作廢大吏嘉其辦理中肯案達外

務部又鹽臬首領劉寶麟歷爲長江總督周馥提督程文炳
電咨五省緝拏瑩設法捕獲立除大慙及補桂陽州缺以留辦
災賑未赴保升道員督辦常德城工依限告竣中間吏部考績
兩列優等鄂督張之洞湘撫端方奏調首邑謂其諳練勤明留
心教養保薦卓異謂其理劇治繁措施優裕其以道員送部引
見鄂督瑞澂湘撫楊文鼎保其才識明練治事精詳歷膺繁要
均有聲譽實爲湘省廉幹之員計在任十餘年各處士民感戴
均有德政頌去思碑

金鴻翎字汝儀清光緒戊戌任湖北漢陽府同知辦理一切悉
臻妥協湖南某逼賣其妹三次妹斷髮逃匿某以生死求見控

英山縣志

卷之十一

十一

人物志

三七

其夫家翎訊得實嚴責其兄捐廉送回本籍漢鎮士紳送風清
江漢匾額庚子任隨州康某富家其胞兄家貧掠弟財產某九
次上控翎曉以大義卒使兄弟和協進士某殉難僅遺孀媳孤
孫家資豐裕戶人窺伺翎爲立案論令舉公正族人立約保持
並爲孀媳詳請建坊去任時送如保赤子匾額立長生祿位牌
並去思碑辛丑任武黃開內河以便商民立學校以培士氣士
民至今頌禱弗衰

余永濬字季華以廩生援例得知縣需次南昌奉檄游歷日本
撰有袖東記一卷臚舉學制頗詳附紀游絕句一卷梓行回國
後署星子縣旋調德興在任百廢俱舉於民刑各案日坐堂判

決人服其神提倡學務邑中公私立男女各校至六十餘邑人懼其去陳乞予留並建德政碑長生碑以禔恩惠永濬感士民愛戴愈益奮勵於利民各舉不卹艱阻屏食卧以營之逾年鑠血溢度腦疾猝發遂卒

王壽炯字毓衡在霍邑任內三年興利除弊卓著勤勞辦理水災賑務長官頒給一等獎章辦理驗契獎給五等金質單鶴章民國四年冬調署五河縣知縣五年全縣水漲炯隻身冒雨督工補填田地得以收穫續修築涯涯滌潼沱各河辦理平糶籌辦工賑惠濟災民士民立有德政碑

鄭震谷字嘯巖拔貢生由甘肅督軍兼省長張保舉縣知事卽

英山縣志

卷之十一

十一

人物志

三二八

歸甘肅候補民國五年知平涼縣俗獷健訟震谷勤訊鞫人服其明斷冤抑者奔趨呈訴久懸積案咸求判決用是訟乃愈多日坐公堂一一結之無枉無縱數月後案無留牘政簡刑清遂極意提倡學校籌添經費察其教授功課勤者獎之惰者勉之各校爭相奮厲士風丕振民習種烟自公令禁烟烟苗之禁並嚴歷任知事查出烟苗不究其罪惟罰金肥私故民間竊種滋甚震谷知其弊賄囑不行有富室種烟被控願獻洋銀三千元贖其辜不許從嚴懲治其風遂革

李士彬號百之晚號石叟湖北蘄春人寄居英山清同治壬戌恩科舉人乙丑進士欽取朝元翰林院庶吉士散館隸秋官九

年補軍機章京兼方略館協修光緒初元補福建司主事歷升
安徽司員外四川司郎中補江南道監察御史七上封事兩審
欽案都稱旨管理街道一時風靜五城八年京察一等記名以
道府用簡放陝西副考官次年放浙江杭州遺缺知府補嚴州
府歷署金華温州等府調補杭州首府宦浙九年所至興利除
弊政績昭彰上游倚重朝旨嘉獎以道員二品銜在任候補浙
士民建生祠祀之丁艱去杭服滿再簡廣東廣州府遺缺奏補
潮州時高州盜熾大吏檄守高州既抵任清盜源籌善後民得
安卸篆赴潮任五年一如治浙而時地不同治理尤劇命案教
案有積訟至十數年者歷任棘手一旦理決百姓謳歌夷員讐

服兼署惠潮嘉兵備道戊戌己亥間朝政日棘以修墓請假開
缺粵制撫迭致慰留而歸志毅然書十二上始得准去潮之日
猶捐廉千元留別育嬰堂及輔仁善堂以爲善事倡旣歸築石
我園爲娛老計以吟詠寄興有石我園圖詠頑石聲詠史詩及
年譜三種已梓行生平著作都十二卷曰石我集待梓尤敦義
行篤友于清俸涓滴弗入私濟人利物捐鉅款置義莊計田稞
千餘担以贍恤族中之貧苦者經大吏奏獎在蘄春本籍捐學
田士風一振他如賑災捐渡育嬰建節孝坊諸善舉不可枚述
卒年七十有八誥封榮祿大夫

宋 彭青江西樂平人高宗紹興間吳璘守蜀青爲屬將三十一年金人攻黃牛堡璘遣青率兵至寶雞渭河夜劫橋頭寨大破之遂與劉海曹休等收復秦隴洮三州解官後家英卜居南鄉之彭家畝

明

龔曉

縣志作龔婉明初官元帥武功無考

江百萬

萬歷中將軍武功無考

按明太祖初設各官統軍元帥正三品同知元帥從三品未久尋罷改都督府爲之者類皆元勳宿將其後遇大征討則總兵官掛諸號將軍印旣事納之今止泛稱元帥將軍不著其爵位勳業未足爲據前志因之而府州志皆未及辨存疑可也

沈元定

成都府守備武功無考

英山縣志

卷之十一

十一

人物志

四十

汪有勳字希大崇禎十二年從黃得功勦流寇有功授昭義鎮參將尋以條陳戰守事宜忤主將不合遂辭職歸

清

程萬卷

廣州府都司武功無考

馬騰雲廩生思元子也年十四爲流寇所掠有義僕二人曰辛午曰小八亦遇難相隨奔四川從軍營順治六年以功授夔州府都司年五十給假省親其子遂留雲南舟次楚江時思元年七十餘無子聞騰雲尚存棄家尋訪同泊舟次騰雲識鄉音具問所由乃其父也相持大慟計離家三十六年矣歸復娶妻生子數歲而卒子城後入邑庠

龍占春由行伍屢次隨征有功累官以游擊管雲南鎮標左營

千總康熙三十五年隨運噶爾咀車輛議敘加四等錄用候選三十七年以老歸籍又二年而卒

傅崧武庠嘉慶元年隨陝撫秦勦捕教匪斬賊無算加六品職銜追賊至興安府賊駐江北崧駐江南領兵渡江十數血戰賊眾畏其驍勇皆退避加守備銜年七十告病卒於里

以上舊志

段登雲字子青咸豐八年由武童投効昌勝軍隨征皖北楚豫陝甘等省累功保至副將賞戴花翎統帶義字新前等營同治四年援陝跟勦竄獮屢勝奏留在陝防堵鄜延一帶十月克復吳旗鎮擒斬逆首惠喜保陞總兵緣事降調復隨提督張攻克王家疇獮逆老巢擒首逆將軍金奏保開復原官後因老病乞

英山縣志

卷之十一

十一

人物志

四一

休年七十餘以壽終

聞其政字必齋游擊銜儘先補用參將同治八年蕩平新疆南北路九年克復甘肅渭源荻道城池擊退金積堡竄逆勦辦岷州潰匪十年克復巴燕戎格河洲等處十三年在河洲接仗被鎗子傷左膀深入筋骨賞贈頭等功勳仍力疾勦除關隴叛逆次第肅清

王捷三咸同時軍功保舉總兵實授揚州副將

劉秉元同治時參將在陝西金積堡力戰陣亡從優照副將例給恤銀六百兩並加贈副將銜賞給雲騎尉世職准胞弟定甲承襲並再襲一次襲次完時給予恩騎尉世職罔替

劉華來賞戴花翎簡放儘先補用協鎮

胡允隆自少從軍擒勦粵匪迭著戰功兩江總督保奏賞戴藍翎以游擊用歷充淮軍營管帶駐安慶北門外暨東梁山

方得勝外籍由海防營出力獎給六品頂戴

方從禮外籍由海防營出力獎給六品頂戴

黃定國字壽亭曾文正公始辦湘團保舉藍翎把總同治間調淮軍恢復江蘇福建等地陞幫統賞戴花翎光緒間調台灣撫生番有功官至游擊陞副將積勞年久在營病故福建台灣巡撫邵奏准照從二品官在營病故例減半賜祭銀十兩葬銀二百兩遣官讀文致祭照三品軍功例以八品監生恤其後仲弟

英山縣志

卷之十一

十一

人物志

四二一

瑞亭藍翎把總三弟梅亭以千總賞戴花翎皆歿於陣

金綿遠字振軒從九職銜胆識過人咸豐初作幕軍中黑夜運糧改固始圍提督張保舉藍翎五品銜江蘇候補縣丞欽差李耳其名飛檄催裝就道辭以親老家貧不樂仕進退歸田里後因子鴻翎貴誥授奉政大夫晉封榮祿大夫卒年七十子孫貴盛衣冠林立

樊春洪咸豐時以布衣從軍隸蔣帥麾下歷著勳績保舉五品藍翎以游擊補用

余維輕字炳祥咸豐時從事戎行追奔馘醜屢立戰功保舉兩江協鎮卽補游府

蔣得勝字安邦保舉儘先拔補外委賞戴藍翎卒年八十
沈德官例貢生成同間辦團勦匪有功由李欽差保舉縣丞卒
年八十

沈盛忠咸同間籌辦團練擒匪入英親率練兵及子弟善火鎗
者堵禦之斬獲甚衆由李欽差保舉議叙八品銜

汪長青從軍甘隴後征新疆回匪經陝甘制軍左文襄列功奏
請賞戴花翎留甘以守備補用

熊有志從軍鄂省有功奉旨賞戴藍翎六品銜留鄂卽補把總
方焱三字海峰負學識膽略過人咸豐初在大阪河創辦鄉團
紀律嚴明士卒效命居民賴以安堵爲英邑團防冠旋以克復

英山縣志

卷之

十一

人物志

四三

潛太功由從九品保舉縣丞後帶勇援潁州克復霍邱兩江總
督曾國藩會同湖廣總督官文奏准奉內閣諭藍翎選用縣丞
方焱三着以本班畱安徽儘先補用並加五品銜後委署桐城
縣知縣抵太邑適李宮保續賓有舒城三河之敗道阻未赴任
遂回里不數日卒時年三十有六

毛習斌文士咸豐間從軍於鄂分隸胡文忠部將余帥麾下轉
戰有功保舉五品花翎

毛明遠咸豐間投鄂軍隸胡文忠部將陳帥麾下累著戰功保
舉五品銜

彭礪金字貢三父蠡清兄杰皆負聲膠序有文名礪金獨以武

功顯早歲受書文筆廉悍有奇氣作擘窠大字勁健異常尤嫻
韜畧沉毅果敢好謀能斷光緒末以安徽武備學堂畢業中央
軍官大學修業歷充安徽軍械科長先鋒營長調江蘇第三師
參謀長獎給三等文虎章三等嘉禾章特授陸軍少將甘肅督
軍署軍務科長晉陞旅長兼測量局長民國八年秋隴南不靖
奉甘督張命往宣撫事平積勞致疾星夜回省卒於測量公廨
是役也礪金弭亂有功督軍擬卽保陞隴南鎮守使方深倚重
遽以盡瘁殞命督軍悼惜殊甚派專員照上級文官例治喪並
電請中央照中將優恤

段大楫清光緒二十六年正月投効山東河防前營六月委充

英山縣志

卷之十一

十一

人物志

四四

本營右哨哨長三十年考入北洋陸軍將弁學堂肄業三十一年
遵順直賑捐例報捐監生加捐縣丞職銜期滿考試畢業派
赴陸軍第六鎮砲隊第六標見習十二月委充本標第一營右
隊排長三十二年派赴天津講武堂肄業十一月調升本標第
三營軍械長宣統元年四月因陸軍五六兩鎮校閱著有成效
保以縣丞儘先補用三年十一月漢口戰役出力保以知縣補
用十二月漢陽戰役出力保以協叅領並加三品銜民國二年
十月江西南潯戰役出力奉給一等奮勇獎章三年八月升充
陸軍第六師砲兵第六團副軍械官九月因南潯出力補授陸
軍礮兵少校五年五月湘西麻陽戰役出力補授陸軍砲兵上

校奉給七等文虎勳章七月奉派兼理陸軍第六師正軍械官
六年三月仍供砲兵第六團副軍械官原差現授陸軍砲兵上
校

段大珩清光緒三十二年考入北洋保定府陸軍部軍械學堂
宣統元年十二月經部考試畢業二年派往近畿六鎮見習期
滿九月到部十一月經巡撫朱札委軍械局差遣三年三月經
陸軍部奏補製械副軍校四月經統領趙調充查械委員七月
經巡撫朱札委軍械局二等科員民國二年赴部經陸軍總長
段委任本部軍械局委員三年冬授陸軍砲兵上尉加少校銜
六年給六等文虎勳章

英山縣志

卷之十一

人物志

四五

忠節

宋王玠高宗紹興二年蘄黃鎮撫使孔彥舟橫暴不法朝廷將
以兵執之彥舟率所部叛時玠守蘄州率眾背城血戰不勝同
妻馬氏妾李氏田氏罵賊投礮死事聞勅贈蘄黃鎮撫使建烈
士廟於龍眼磯頭

州志

按蘄州志玠字介玉長洲人徙居鄂州孔彥舟爲舒蘄鎮撫
使聘玠爲幕屬彥舟有異志問計於玠玠烈士也正色諭以
順逆凡數百言彥舟囚之數日復問仍責以義且曰誠欲反
幸先殺我孰謂王玠而從賊耶彥舟怒竟沉玠於龍眼磯與
妻子俱時紹興二年六月十三日也郡人悲其志立廟磯上
具有石記其說甚詳與此頗異玠事不見正史疑蘄志所紀
較爲得實但本非英人英事後其子孫家於英故六安志首
附錄焉

明沈論堂洪武間以功累官都督府僉事鎮守廣西軍律嚴明

遼東賊起奉命往征兵敗被執不屈而死

張禧洪武戊辰進士建文時官御史燕王反殉節葬廣里古塋

按二人死事未見正史各志亦無所考姑紀其畧

劉會字嘉會正統乙丑進士官戶部主事十四年上北征同年友羅紳當扈從母病難其行會乃請代土木之變車駕被圍會扶上乘馬出既敵眾大集遂遇害景泰初勅建忠臣廟廕其子端儀入監讀書舊志稱其臣節友誼皎若日星雖千載猶凜凜有生氣也祀鄉賢

劉世芳字穎玉天啟五年拔貢生歷任廬陵宛平縣丞陞新河知縣時流寇縱橫閭井蕭條防禦撫卹辛勤備至殘黎賴之直

英山縣志

卷之十一

十一

人物志

四六

指衛公有憂國如家視民如子之薦超擢山東濟南僉事未至任甲申三月賊陷京城得報仰天大慟以頭觸柱嘔血數升而卒子焜邑庠生年八十有四舉鄉飲賓

蕭時霖字澤及天啟時副榜崇禎末流寇破縣治被執百計誘降不屈罵賊而死

宋禎崇禎時武學生十三歲流寇踞邑禎奮不顧身率眾夜襲賊營失利被執不屈慘死知縣高在崙憫其忠烈申請上憲廕

子弘入武學

按汪有典史外載宋禎武廬州英山人崇禎庚辰率眾襲賊營慘死當事嘉其義俾公子志宏入學與本志小異

程子鰲邑廩生與知縣高在崙同守章家砦城破高罵賊死子

鰲率姪天禧僕丙禿巷戰殺賊數人被執死

鄭萬善字仁卿邑廩生與從弟庠生萬齡讀書七星坪崇禎十三年爲流賊所執罵不絕口萬齡聲尤厲全家被害善妻黃氏赴火死

殺七段八失其各皆有勇力屢殺劇賊賊甚畏之眾寡不敵俱爲賊害

清金耀遠咸豐壬子進士分發雲南卽用知縣咸豐四年署鎮南州有循吏聲以擒逆首蕭肆善功保加同知銜八年署武定直隸州四月蕭逆餘黨勾同各匪圍城耀率兵勇守禦至四月十七日力竭城破耀公服堂坐厲聲罵賊賊釘其腹備極慘死

英山縣志

卷之十一

十一

人物志

四七

胞弟廩生熙遠亦不屈被害繼母鄭氏耀妻沈氏熙妻彭氏耀長子鴻實次鴻采長女許鄭姓次女許傅姓三女許沈姓熙幼子鴻安次女字余姓次女字葉姓三女未字又鴻實妻周氏子蔭先女大女二女鴻采妻沈氏並投署後池死計一門四代男女大小二十口僅耀季子鴻窩外出獲免家丁胡發劉天才張得泰郭萬春並妻彭氏子望兒俱英山人李榮李甲李忠杜安呂順俱昆明人陳興陳榮四川重慶府人均被剝傷死

沈周丙邑庠生咸豐四年閏七月隨縣主祝昌奎帶同團練克復英城奉巡撫福濟奏保訓導本年十月十六日同祝縣主進攻太湖二十三日在北門陣亡五年四月經撫憲奏請贈國子

監學錄銜雲騎尉世職三代後給予恩騎尉世襲罔替
蔣槐斗邑增生辦理團練不辭勞瘁癸丑十二月朔日五鼓聞
賊大至率團出隊陣於城南二十五里之瓦蓋牆因衆寡不敵
遂歿於陣由縣詳請恩給雲騎尉世職三代後給予恩騎尉世
襲罔替

安從藻監生州同銜同治三年髮逆竄皖省擄掠鄉村嘗破資
募勇守禦凡四十餘日八月二十四日賊突入境率勇三百餘
人抵禦力絀罵賊被擒遇害忠義局報詳獎卹雲騎尉世職長
子學震承襲

蕭宗孝廩生同治三年九月賊竄英孝率團練同胞弟宗仁宗

英山縣志

卷之十一

十一

人物志

四八

讓等奮力抵敵不克被害經縣詳請獎卹

彭元燈監生與弟儒童元燮性孝友父年八十餘每賊至負父
先逃同治三年奉諭辦團賊至率練勇力敵賊退俄聞其父遇
賊燈燮衝鋒奔救父獲免燈燮被執罵賊死

段江庠生善學能文著有效顰閣詩鈔曹倉書屋文集咸豐四
年奉諭辦團出力堵禦五年冬賊衆突竄江率一旅赴敵因後
援未至遂遇害

王德琇監生同知銜奉諭辦團同治三年六月賊竄境率團力
拒因衆寡不敵遂在鄧家河陣亡

鄭本芝增生年九十六積學立品闔邑共稱同治三年八月賊

竄英芝避王家塢賊至被執芝忿罵賊賊怒芝知不免挾石投水賊以槍擊其胸遂遇害

張啟楨監生與弟啟祥啟禮及典吏馮禮彬均於咸豐四年帶勇陣亡請旨以千總例交部從優議卹世襲雲騎尉

黃繼勳庠生咸豐十一年賊至勳因兄目瞽不忍離兄遇害勳爲賊縛忿罵不止賊殺之

杜若陵增生同治三年秋督團禦賊被執不屈遇害

王思善監生太平人咸豐三年賊踞太湖善隨祝縣主帶練進攻歿於陣

龔隆運庠生同治三年賊至被執不屈遇害

英山縣志

卷之十一

十一

人物志

四九

彭本敦監生同治三年秋大股賊至敦被執時遠近婦女逃避深山賊欲搜之逼敦爲先導不從又以刃逼卒不屈罵賊死

王桂修監生咸豐六年賊至被執強作僞示不從殺之

王鯤庠生咸豐十一年賊至督團拒之被執不屈子修紀咸豐癸丑年隨同練勇與賊敵亦被執不屈父子先後均死於陣

王松字致和庠生咸豐癸丑年賊入境被執不屈罵賊死

王安康衛千總銜同治三年髮捻犯英被執不屈罵賊死時年六十五

胡瑞蘭庠生咸豐戊午隨李公續賓大營勦賊皖省駐紮三河赴難殉身後奉旨獎卹世襲雲騎尉入祀楚忠祠

蕭方翥儒士咸豐八年賊至大坳溝翥率團力禦不克被殺
王清吉同治三年秋賊突竄英清率團不及隻身大呼殺賊被
執遇害

胡太生咸豐七年春賊至奮力出敵斃一賊投一賊於塘賊眾
大至遂爲所殺

沈德四同治三年秋同安從藻禦賊不敵被執厲聲罵賊被殺
胡浩然同治三年秋隨安從藻等帶練禦賊不敵歿於陣

胡允聰咸豐七年夏賊突至聰率練不及隻身大呼殺賊賊以
戈貫其喉死

段商禮同弟重生均有勇力同治三年秋賊突至商與重率其

英山縣志

卷之十一

人物志

五十一

子姪玉章等據門死鬪殺賊十餘人俄賊大至商重並其祖母
皆被殺惟玉章衝鋒而逃

陳維德咸豐八年夏賊大隊竄英德帶勇退駐山頭相持二十
餘日因母新葬聞賊發塚深入賊壘偵探被殺

胡元進同治三年秋賊竄英之朱家山近村婦女奔逃僻徑賊
追之進獨持鈎鐮堵截路口婦女得脫賊大至卒爲所殺

段繼光字可傳太學生誥贈朝議大夫咸豐三年臨陣罵賊遇
害同治七年奏請勅建專祠以彰忠烈

方元珍勦辦團練咸豐七年賊至帶勇堵禦被賊執不降殺之
王祥念咸豐七年帶勇禦賊因眾寡不敵陣亡

聞立金儒士咸豐三年奉諭辦團率勇禦賊賊至不敵被殺經前縣張詳請議卹以上舊志

金熙遠字畫山優廩生性沉默潛心經史制藝寢饋諸名家古文宗桐城派咸豐壬子同胞兄燿遠殉難武定州公署事詳燿遠傳內

夏應元字彩昭精虛扁術有膽畧從勝宮保征皖得把總職咸豐九年克復潛太陞千總十年正月二十五鏖戰小池驛力盡捐軀唐方伯訓方官閣部奏准賜雲騎尉世襲罔替入祀楚昭忠祠唐方伯以詩哭之

附詩麗鼓鼙驚罷戰場將軍敢死為勤王征袍染盡英雄血楚祀長飄姓字香千古忠魂昭宇宙一腔義氣凜冰霜可憐

英山縣志

卷之十一

人物志

驛道斜陽外曾有行人為斷腸

楊一愷字楚材壯年從軍洪楊軍入金陵陣亡

沈周良字孟弼儒士積學未遇性至孝父錦中年患痺痿之疾

食息起居良奉養扶持雖盛寒暑無稍懈同治甲子隨父避難

汪家山賊驟至僱工逃散良不忍捨父被擄不從遂遇害土人

就其山瘞之此八月二十日事也難平後家人舁其屍歸為謀

殯葬面貌如生人咸以為孝心所感云

陳茂林蘄水籍性剛勇有胆氣咸豐丙辰土匪蜂擁城東林持

械與鬪不敵遇害

段昭潤清大學士李鴻章保奏守備府光緒庚子殉難天津時

年三十二

王鐵珊字伯唐遠祖玠南宋時進士殉節蘄州贈鎮撫使子孫遂家於英鐵珊生二歲能識字四歲通韻語八歲能文章瑰奇雄特迥異恒流十七歲父訓卽世哀毀骨立自是舌耕以養孀母撫諸弟妹恩愛兼至爲諸生時肄業敬敷書院五年巡撫陳彝極嘉獎之每課輒最光緒戊子中試舉人己丑成進士欽點兵部主事武庫司兼職方司行走甲午中東和議成愈究心經世之學每念時艱輒撫膺慟哭逮庚子夏聯軍漸逼鄉人候試者不能歸鐵珊囊僅百金分半相助入謂何不偕南曰讀書所學何事時勢若此不能出死力與敵相持己負朝廷而愧學問

英山縣志

卷之十一

十一

人物志

五二一

且見危授命生人大節今王憂臣辱引身遠遁何以爲人士各有志勿相強也特所不能忍者受吾母教育之恩不獲一訣耳語畢涕零如雨六月望日寄族伯藥修書謂聯軍必至非一驕將及諸亂民所能敵如或都城陷誓以身殉旋王師敗績於楊村聯軍至京伏案作書與母訣者四與弟訣者二肅衣冠南北向均九叩首日暮詣魏太史時鉅託以金釧寄母宵分回館沐浴更衣焚香而坐內城槍炮聲如雷都人均匿不出又作書云惟我祖我父所以教珊者祇爭此一刻耳王伯唐無用之人當國破王憂且一試溝瀆任憑天下後世笑我拙遂扃戶縊而卒實七月十七日子正也越晨友人來共殮之戎部舒鴻儀等上

其事於忠義局大學士崑崗入奏奉旨賜卹加贈道銜御賜祭葬勅建忠烈專祠蔭一子以知縣用柩回原籍沿途地方官妥爲照料聯軍各帥亦遣人弔奠天下榮之民國三年國史館纂修陳嘉言復縷陳鐵珊殉難情形請宣付清史館立傳生於咸豐丙辰年五月卒於光緒庚子年七月春秋四十有五嗣子尙忠四品難蔭生奉天省候補知縣平生著述繁富殉節之時無人收拾散失大半僅有遺墨一帙行世惜哉

附國史館纂修陳嘉言民國二年十月爲鐵珊殉難情形請宣付清史館立傳呈文 詳爲清故王事王鐵珊以閒曹殉難亮節可風請予轉呈乞宣付清史館立傳以彰忠蓋事竊維忠亮死節之臣出於封疆大吏者其事顯而名易彰至於閒曹末秩雖邀國典褒榮而生前未膺重寄身歿而名亦隨之則潛德幽光端賴一朝之史乘爲之闡揚然後可永垂不沒而風之百世也查前清故候補兵部職方司主事

英山縣志

卷之十一

人物志

五三

王鐵珊安徽英山縣人光緒己丑進士於庚子年七月聯兵入京時殉難自縊於六安會館經前兵部候補主事江泌等呈報留京辦事大臣彙奏於光緒二十六年十一月十六日奉旨着照員外郎例賜卹次年四月朔復奉旨追贈道銜蔭一子入監讀書以知縣歸部選用旋又奉旨入祀京城昭忠祠固已天恩優渥泉壤光榮矣惟江泌原呈出於臨時倉卒所述但知該員爲慷慨捐軀而其從容殉難情形猶未備悉事關人臣大節豈容闕而不詳敢述所知用彰實錄該員忠孝篤於性生氣節充於學養平居言論常以古烈士自期而臨事堅定絕少沽名邀譽之心尤無瞻顧遲回之念於古人不降志不辱身二語實無愧色其供職京師時老母年七旬餘矣己亥夏間擬乞假歸省旋以拳匪變起國事日艱歸念遂輟移孝作忠之志往往形於楮墨間同僚中或訾笑之不爲所動也六月以後津沽戰事日棘內亂方熾該員知都城必危遂蓄必死之念悉舉所蓄路資付賈人歸寄奉其母七月朔留有永訣同胞季弟一書畧云身非武人恨不能執干戈以衛社稷官非臺諫又不獲效一言之忠上維國是如都城不保義不偷生所恨居官以來不能事母長負不孝之罪語語血淚不忍卒讀七月十七日洋兵逼城傳聞乘輿出狩遂於夜靜自縊厲中遺一書託友治後事書中有某非死節亦非畏兵直不忍見國事至有今日等語忠憤激發

一出至忱死後厲無親人僅一僕具殮權厝土中封鎖厲室而去故江珙呈報未得詳陳而時日亦有舛誤次年二月該員同胞仲弟前山東候補府經歷現考取知士王蔭林入京遷柩收檢遺書傳詢舊僕始得備知其詳見所居座右尙粘一紙書曰鐵珊如此不死何以見我祖父於地下竊維從來詢難者或出一時憤激或畏敵兵戮辱朝廷皆一體褒揚若該員者慷慨蓄志於平時從容就義於臨事忠憤之氣凜凜如生求之古人亦難概見準以常例亦有優加辛丑秋間福建道監察御史王乃徵會據前情稟請大學士李鴻章懇予照直隸靈壽縣知縣成肇慶例奏請加恩予諡並宣付史館立傳適李相薨逝轉稟之大學士崑岡當蒙允可而留京辦事處已撤仍將原件發還後又呈都御史陸潤庠代奏而樞府未報以謂人臣無請諡之例也惟該員既非守土之臣又無專閫之責閒曹散置獨效孤忠衡量他臣殉難者孰易孰難其間不無軒輊若聽其湮沒無傳何以勵忠貞何以風世俗今民國大定政教昌明有清辛亥殉節諸臣尙無不優被表揚宣諸史乘况在庚子之役而忠義死節者又屬寥寥乎嘉言等既於該員生平具知崖畧又詳其殉難始末未忍遽任湮沉敢鈔錄前候補主事江珙原呈附該故員遺墨各一件詳請轉呈 大總統鑒核可否准如所請將該故員王鐵珊殉節情形宣付清史館立傳之處 伏乞 批示施行謹詳

英山縣志

卷之十一

人物志

五四

汪逢善年十八民國三年因曾祖榮江年高抱病善奉母命尋醫至石鎮遇白匪怒馬虜至時避匪婦女皆匿壑谷賊執善誘降復逼爲搜山前導皆不從遂遇害同難者歸言之綦詳

附錄殉難紳勇鄉民

徐元

趙順

方和

楊德生

楊正安

沈周賓

甘國興

孫得元

鄧春海

王啟發

張仕朝

劉兆蓮

周立志

瞿席周

衛順喜

張秀書

陳三喜

陳金秀

彭艷翥

衛啟勝

田從先

衛太安

李載陽

李德元

黃朝緒

黃勇緒

黃緒貴

李潤聘

胡德新

胡義太

余庚辰

李朝用

樊儉各

樊儉利

李恕崇

王邦任

石安

虞萬松

盧傳福

胡順遵

閔萬利

余永楷

皮永升

皮占鰲

匡本潤

英山縣志

卷之十一

人物志

五五

周春其

郭承先

黃習德

彭思龍

程玉升

黃殿安

包希善

胡國槐

胡國強

饒盛利

程敦壽

夏有林

夏有富

楊泗海

傅文勇

張正發

黃新發

楊春鳳

葉得勝

段維駒

鄒順

段光炘

劉鳳主

馮禮仁

劉立朝

吳福明

吳金山

唐光朗

黃得富

胡連之

陳世遠

張正道

胡允聰

胡太生

夏應元

王起貴

黃佑伯

王殿貴

彭得勝

李玉池

夏明珠

楊登進

王興元

袁金榮

楊金山

彭彩露

余文連

沈盛質

鄒宗亮

吳顯芳

游東升

彭先元

劉永愈

鄧勝文

王能順

劉細三

周廣才

周大順

夏彩恒

熊全太

舒欽業

周全堂

張興倫

李春光

段昭許

陳爲善

段玉品

陳彥秀

段守成

彭本堦

劉普照

劉福興

周萬年

周廣德

劉佳銀

郭步高

劉大觀

蕭席兆

王廣文

沈自成

段商禮

段重生

王清吉

沈德四

胡浩然

胡元進

傅春富

萬迎州

張田喜

黃德和

陳永清

張有貴

黃應喜

張子盛

李善合

劉啟才

葉彩華

范齊得

段光祖

劉隆山

英山縣志

卷之十一

人物志

五五六

劉華富

葉端哲

范成高

段光興

劉啟全

劉占魁

葉端海

范成林

段文興

劉仲貴

歐義質

何有富

阮登云

胡保齋

金光煇

葉良壽

葉良恒

王體仁

孔應才

孔應明

葉良喜

葉啟玉

朱名金

孔應福

胡春林

張艷洪

張應龍

程朝發

龔立遠

劉勝元

劉勝昌

劉十五

劉安仔

劉存仔

劉桂林

金壽仔

傅守仁

尹高進

尹高舉

尹高才

許大

王保華

王保元

葉良才

吳朝興

舒彬階

吳修廷

王焱林

趙安正

段芳福

王安和

舒彬于

王世壽

李克照

段光勳

王正友

周昌順

胡繼霽

以上練勇均係衝鋒被殺

傅文魁

監生

黃繼勳

庠生

蕭方嵩

文童

彭元燮

儒士

王

鯤

庠生

王修紀

儒士

袁有貴

華金斗

鄧貴中

鄧恒三

華四元

段光用

段德心

范春發

段有誠

段燿遠

段四層

段春臺

熊子元

熊玉照

熊玉墀

汪金玉

余正和

余正海

余品高

余品禮

王德言

秦家輝

吳宏良

吳勳錫

王命宣

英山縣志

卷之十一

十一

人物志

五七

王吉申

王祥明

王瑞珍

張天發

姜福銀

張添元

胡顯烈

王命坤

張大奇

姜連子

袁國富

唐金華

郭繼梅

彭元丙

吳宗柱

王金捷

戴三華

程錦林

李大筍

彭元燿

周運真

黃芳池

曹金榜

段漢高

曹心田

段光祖

段芳洧

李長青

黃成樗

段芳海

段光明

張忠前

夏有彬

陳光宇

熊玉壇

熊金楫

聞立嵐

黃金有

虞品禮

王致和

胡時貴

僧法順

黃鳳玉

程學麟

王天祿

袁慶云

湯世宗

黃金燬

陳福廣

周清華

葉應唐 湯和彝 何細五 蕭宗範 蔣序彬

周繼全 陳光明 甘長元 彭本騶 周乾豐

陳金秀 黃永貴 湯世能 彰昌富 周鳳祥

陳連三 張保元 張月進 蕭正發 段二有

王全興 王明德 周金萬 袁春發 段永枋

段光鈞 伍懷安 王永連 明全高 彭本鳳

彭本道 彭昌榮 張仲良 孫盛富 田敬成

涂長恩 段蓮山 段可儀 段廷榮 段二牙

葉云祥 段芳富 張細和 戴景華 段芳貴

詹金榮 段光釗 段光銑 段光銓 宋萬宗

英山縣志

卷之十一

十一

人物志

五八

宋家太 毛萬貴 王右勳 朱萬清 王永太

朱正乾 程細多 段連升 朱萬松 彭本澍

高宗棠 程仁和 朱萬春 饒世正 饒春茂

龔隆瑜 龔隆緒 陳春奇 劉康健 袁士魁

周興祥 傅守金 程太平 黃緒義 歐志發

黃福太 歐善福 王立功 王希上 歐方遠

吳顯明 華春發 余文典 胡普綱 劉允毓

李光全 胡翹選 劉中志 鄭啟後 段明照

段永升 段正茂 段漢兒 華金田 段春發

胡燿遠 段兆行 段光朝 段光蕙 段大有

張照南 胡錦階 段二元 段瑞和 段德順

段載陽 朱云發 段願 查得貴 劉元長

段觀用 段永祝 石金照 段三連 王樹階

華慶云 華春福 胡長發 匡永貴 王敬廉

段一喜 方德 劉竟倪 段玉興 段廣照

張知四 余時彩 曹可觀 僧年祥 王殿舉

周應南 余正利 蘇元長 段光烈 王懷信

葉天順 周萬才 吳啟賢 張隆甲 王忠志

葉玉珪 段守香 汪宗榮 張連生 張雙子

彭雲儀 王芳啟 馮禮衡 馮懷信 李三益

英山縣志 卷之十一 人物志 五九

田成熏 金榮五 湯春容 湯春先 彭同春

李成會 王福倪 段光啟 汪興燿 葉應福

王吉昌 王吉信 王祥安 洪各厚 楊士友

舒中興 舒中有 段芳輝 胡春林 段致祥

張興修 王吉春 段芳柳 王祥九 張興萬

王祥遠 葉萬明 王良吉 王萬齋 王顯仁

羅永華 劉克讓 陳全壽 余時錦 王顯容

許皆煌 余時高 胡四什 汪崇高 陳象淮

甘錦文 陳金萬 周再興 沈蓋榮 沈戒之

沈戒法 傅有義 傅福強 尙萬春 張春吉

衛榮高

衛光南

金鳳鳴

黃金榮

黃金玉

金篆文

晏國才

陳萬明

楊采蘭

周成業

李秀山

何修貴

余國柱

鄒昌源

左焱松

何義先

宋萬明

何義高

潘安照

陶明貴

吳天學

陳在富

傅韓書

鄭載功

張懷萬

柯玉書

聞立南

李雙喜

聞立翥

傅文璐

柯玉照

萬秀云

陳應生

張正發

熊太福

黃一舉

黃學滄

劉彩廷

湯祿隆

王翠三

王有德

段昭義

胡奉保

段昭禮

陳光啟

黃松山

鄭春太

楊道禮

金宗蕙

陳定燿

英山縣志

卷之十一

人物志

六十一

何必華

盧萬才

余時晉

傅春富

金光華

鄭宗球

金光述

黃金臺

翁映奎

胡允梓

劉開家

胡奉極

陳華邦

涂連升

陳善貴

皮家太

黃繼達

鄭宗求

高興仁

程義堂

徐在華

胡金懷

袁太貴

潘字雲

黃文安

熊廣明

陳明遠

段芳開

湯祿昌

湯全慶

胡才廣

周勝揚

潘裕畦

潘裕迪

鄭春太

陳士義

張正大

段春發

蕭正龍

陳良順

鄭本章

明占先

魯金福

葉兆林

涂金龍

陳宇隆

王見舉

張文壽

鄭金明

羅萬福

葉召廷

周才富

汪有福

馮開周

陳丹桂

蕭義貴

羅榮朝

傅必貴

黃在貴

鄭明富

胡萬州

陳應朝

陸均尙

江德貴

張義興

陳必遠

張世和

石成俊

黃序成

陳承德

程兆林

周成龍

夏時濃

龍年春

胡光斗

陳承德

姜有福

沈耀海

胡光純

汪金明

裴昌芹

姜有祿

柯道蕙

張有爵

童勝文

王武元

王文陸

何世高

胡可羣

熊開元

熊本相

胡廣順

何世榮

周大保

奈明斗

段有志

吳型高

吳啟榮

吳廣麟

盧在富

英山縣志

卷之十一

十一

人物志

殉難

六一

杜芳年

杜敦榮

方從啟

夏光興

陳廷耀

杜敦湖

汪彩富

張義源

陸金錢

汪家青

胡鳳發

彭彩皇

彭鳳太

陳元和

胡大海

鄒祥發

胡盛明

袁正友

陳萬明

黃顯仁

胡盛厚

徐傳友

胡盛友

劉丑仔

劉鳳仔

沈廷梅

沈玉麟

沈德溫

夏先進

姜新雨

蔡叨極

胡奉禧

蔣如山

陳忠

王戊寅

蕭正明

魯金福

沈士廉

張得勝

鄭長發

段芳堂

蕭春和

劉遠和

段芳葵

段春海

蕭宗芳

徐以信

饒登祿

傅守己

段敬業

蕭鵬舉

朱廷貴

黃光祥

蕭如阜

蕭如岡

蕭準平

蕭宗厚

余得貴

張能富

張長友

程遠桂

黃在浚

段浚交

王時夏

段光恂

吳洪柏

段芳荀

段善德

段在良

晏昌全

熊金城

胡勝泌

段翠雨

段登勝

陳勝發

黃俊交

陳艷發

王全發

金勛元

梅光華

姚象啟

鄭金榜

夏有堂

劉宗義

金云先

姚象明

曹隆啟

劉正明

陳新禮

陳有貴

江天洲

段芳富

劉宗應

陳光啟

阮太平

龔隆琳

段芳烜

劉華春

曹漢進

劉州福

英山縣志

卷之十一

人物志

殉難

六一

皮有元

吳朝福

王萬清

王正發

王世財

王廷直

段昭武

段貢玉

蘇金懷

蘇大友

段光宗

段興達

劉希賢

劉榮遂

張世昌

熊光璜

熊光全

段長青

陳必遂

張世求

張中餘

舒長春

舒潤和

舒克儉

舒得青

舒鵬飛

舒肄業

舒中良

段同昭

段永銳

王祥續

王文生

湯祿義

匡啟福

方麟書

周以尙

段昭成

張興祖

段啟發

舒細五

舒萬和

皮廷富

唐國祥

周宏祿

段光宗

劉奉先

周繼貴

曹連生

舒中全

陳興榮

王中其

李朝安

胡朝典

段金秀

段耀華

段光溪

程成福

蕭培宗

趙正揚

洪金玉

胡勝發

熊世秀

舒中業

段大義

段昭行

段潤升

李天相

段光地

段尙之

胡繼盛

李全相

段永芳

段光華

段昭福

劉有元

王顯揚

金會兒

晏隆春

衛春富

胡萬年

金序篋

劉金山

張玉廷

汪有德

余占春

陳義興

黃義和

沈才元

徐秀安

李玉堂

陳德春

金宗江

張奉周

徐秀升

李和尚

范際太

傅高明

潘耀松

張廷太

李一兒

英山縣志

卷之十一

人物志

殉難

六三

傅新發

金宗泗

江衍述

陳有才

金祖赦

范庚戌

江福會

金才興

周美才

金太元

王春華

黃富司

李宗倫

程敦耀

江天海

黃春紅

彭厚鼎

張興萬

張金元

瞿席堂

黃杰山

彭厚爵

王雙兒

王春遠

賀席懷

孔春魁

吳耀才

方國柱

金光茂

祝文學

劉全太

傅文銑

劉才高

宋國貞

鄭有貴

黃厚成

熊得元

王忠煥

陳天厚

劉有元

黃繼祿

瞿席和

方大發

葉金聲

王世奎

何一桂

裴學位

江選用

伍金龍

楊萬順

王忠春

黃金懷

彭厚鄉

陳永明

汪大賓

柴興起

沈盛琬

唐榮富

楊永發

桂天升

張崇德

程正先

唐榮貴

楊啟泉

胡四兒

張廣進

徐九思

張良書

鄧方來

桂鳳山

張得富

許立舟

周彩富

姚光彩

桂金祿

周彩雲

沈德勝

姜有枝

姚有志

桂金選

姜有志

石沉潛

陳四兒

僧清溪

桂春發

衛光第

胡金全

衛勝明

段啟福

桂朝海

熊得元

周天德

周楚才

周懷德

桂朝懷

鄒光明

江宗成

楊六存

桂鳳臺

桂金高

英山縣志

卷之十一

人物志

殉難

六四

桂啟發

王風廷

黃立強

余揚朱

余朝貴

葉富春

徐原

李春太

馬校鵬

袁正福

聞福貴

陳席珍

李華沾

陳勝一

陸元青

左春富

聞立木

李華元

張彥富

鄭序廷

謝登富

聞立權

匡義廷

程得啟

賴一枝

傅春貴

聞立貴

趙文中

段朝發

段金楷

金元吉

聞立鶴

陳必達

匡志元

徐定升

朱善國

聞遠安

郭象德

陳金元

陳金全

萬長生

汪永先

鄭光明

鄧春發

王世昌

湯祿秋

鄭光佳

段光義

袁金明

張正舉

朱長興

江春明

黃光仁

宋善述

許士容

蕭方拯

鄭懷林

李光山

鄭懷玉

張春周

蕭如喜

陳德禮

崔廣明

劉芝朗

宋長壽

桂明椿

江元喜

涂純健

許景秀

韓樹發

江裕昆

宋廷發

李玉曜

李光俊

李昌元

江衍禮

李名燿

桂安利

李方明

傅錦春

江金鳳

李有貴

江選舉

張三倪

張養壽

宋善繼

黃顯廷

江文榜

熊皆升

熊太崇

金大勳

龔坤元

余文光

賀明彩

陳三喜

熊太安

龔瀛洲

左德茂

何金安

鄭金朝

英山縣志

卷之十一

人物志

殉難

六五

余大茂

左艷松

汪細才

衛太安

蕭如弼

余思應

張慶堂

翁殿選

陳萬鎰

蕭道安

左德壽

胡金玉

余時進

周保和

王龍江

雷在富

許質彬

趙良炳

王榮發

朱秀燦

張朝柱

汪春貴

李均美

王細發

楊啟信

朱景貴

桂枝華

周恒梅

衛勝明

蕭宗悌

朱景富

熊太和

周恒福

萬迎州

劉士象

蕭宗敏

李方明

李有貴

王廷占

石桃源

蕭士金

陳彩春

蕭在明

蕭來生

饒榮存

蕭春發

黃禮成

劉本良

黃羣品

楊奉祥

段勝坤	胡奉獻	袁國榮	鄭昌	徐元芹
周榮華	王方龍	郭承照	陳太春	王朝珍
匡天富	蕭宗源	郭國啟	范光烈	陳美才
沈得興	蕭方學	王金山	胡元美	蕭宗連
萬永興	郭承敬	萬承杰	李扶容	石全美
胡登金	郭南壽	蕭宗吉	汪耀月	蕭福兒
徐榮春	陳細牙	詹開悟	汪見華	孫普書
詹喬松	李念松	蔣錫久	汪林	曹廣發
余慶全	詹遐齡	蔣心全	包順	曹發寅
蕭永昌	詹榮坤	李善虔	陳交卯	柯益子
蕭咏州	詹榮子	劉永富	朱燦和	柯芳子
鄭懷朱	高廷焱	汪兩生	王志祿	蕭可喜
陳高照	詹念思	潘正揚	詹雨發	蕭龍雲
王光前	汪六才	陳萬友	徐春照	張春發
陳有才	程登典	丁時柏	徐宗祥	丁如松
程茂春	項盛舉	李光說	楊永祥	胡太謨
吳金富	高相邦	陳維元	楊景煥	胡四萬
蔣兆春	李興發	祖新吉	馮意春	祖維才
蕭宗全	楊元枝	張啟發	鄭宗城	楊以奇
何萬全	李興戶	徐安廷	陳思業	袁東山

英山縣志

卷之十一

人物志 殉難

胡開珍

王得春

劉榮華

汪心存

郭西春

饒錫禮

宋永發

邵富友

陳延才

郭金貴

劉祖應

夏金華

楊以高

胡開得

舒并太

項廷業

潘昌茂

成傳魁

胡太炳

陳彥祥

陳彥華

劉隆忻

陳思寶

劉祖銑

舒道友

饒榮選

石春茂

劉盛時

藍啟才

胡五進

饒榮進

沈文早

陳彩彥

藍啟云

田月桂

王定國

王正萬

陳承見

徐應試

段召貴

劉宗文

陳彥林

方宏學

徐應禮

段召富

饒懷德

劉得義

王金宏

田百奎

段義興

英山縣志

卷之十一

人物志 殉難

六七

陳彥

徐元麟

方祥發

鄭興才

劉萬炳

陳彥貴

萬丙焱

田萬才

陳序堂

劉隆熾

郝召元

劉宗耀

汪應照

陳一枝

李得傳

陳思保

蕭宜榜

冷明遠

程啟發

方從敏

黃佑雲

黃華榜

冷福春

張文林

陳春陽

胡昌普

王安國

劉啟聰

袁見華

楊聯升

陳思杰

袁宗德

劉啟第

鄭家鋒

杜天祥

陳彥桂

饒良遠

柯勝友

鄭衍濤

杜富松

成春華

杜敦宗

余長安

饒應南

王登榜

袁雲交

彭習堂

宋永發

羅仲琳

王正善

邵林書

饒登富

姜繼勳

曾永發

陳彥云

劉五桂

胡永遂

姜得成

洪明顯

柯益茂

石德安

王漢才

袁鳳祥

周自興

洪金榜

李金聲

徐有富

吳光字

張立學

陳興才

田玉堂

胡奉照

王樂道

王樂堂

華旣勝

杜季超

姜思仲

何典爾

胡大愷

柯際春

藍啟貴

余金璠

張耀發

汪得乾

柯勝壽

徐志成

周顯才

彭立安

宋安元

周守魁

徐光美

冷迎棠

余安元

張正月

姜永義

徐宗燮

程鳳臺

彭本畏

段勞九

鄭林原

英山縣志

卷之十一

人物志

殉難

六十九

吳立志

汪如隆

劉能高

王時也

宋家正

段登進

段春光

王自意

陳道松

吳顯祥

段光藻

段貴有

王其宇

朱雲耀

胡勝起

段永樹

范唐福

王其典

段勞八

段啟富

段潤章

傅保席

王其遠

段昭瑞

胡禮發

趙起仁

段起發

段光進

段昭進

趙新意

陳維才

伍勝泉

康國彩

段光清

葉天吉

陳維壽

段芳長

趙正祥

王為仁

鄒春和

陳永壽

段芳新

程金玉

段裕文

段元勳

段四喜

段萬章

唐時春

周春福

鄒新發

喻登高

段啟發

段自新

方金堂

袁合尙

段有容

段勞五

段成金

方品三

王瑞文

段義耳

段賓禮

段朋交

石宗陽

段昭發

王修宗

段聖南

王修貴

姚金朝

段國正

王春

王東林

段春和

熊昌保

段昭華

段玉明

段茂貴

段芳德

段定武

段焱和

段炳明

段有明

王有富

吳高照

王勞七

段士林

昌孔瑞

周志高

吳開吉

王四元

王賢枝

王正士

周鼎武

周乾禮

方錫金

方啟麟

黃耳十

段芳林

周永豐

黃季春

英山縣志

卷之十一

人物志 殉難

七十

方元宗

黃廷耀

段正恒

王樂葆

段奉才

方守先

黃立炳

段光富

王升有

段丙文

張其玉

熊仲才

段壽年

王修明

段添彩

段昭才

石永發

段元才

王安榮

段昭篆

段昭旺

馬永海

田春太

王敬習

段昭元

段廷章

段有華

葉芳和

王在時

黃正加

郭燿德

段有富

馬元喜

王安富

黃揚緒

吳柱成

段有才

馬永州

王有子

王東海

王樂池

張興隆

周有才

王學成

王安年

陳彥易

楊以春

石枝元

胡順容

王登高

戴順生 胡奉藻 唐文久 胡順全 王樂輝

汪懷江 胡允藻 馮長起 沈金成 王立華

夏有映 胡允託 張玉廷 桂朝春 王見興

唐光漢 童繼賢 王萬發 姜繼鍾 王松元

王廷才 傅高明 朱長興 左瑞廷 王樂郊

劉大照 張正舉 袁金明 左得壽 王紹華

陳培基 黃雲萬 江德成 汪榮煌 汪作德

沈自仁 沈德銖 張永勝 張顯才 汪作祥

沈光照 衛眼芳 徐士元 沈周易 汪作瑾

沈德利 熊從喜 范際鳳 余思昌 汪啟明

英山縣志

卷之十一

人物志 殉難

七一

沈自珍 汪定貴 陶成美 陶光發 胡開太

沈自新 熊開興 沈得英 陶友朋 彭本麟

沈秀元 沈得成 彭七漢 盛正啟 胡繼元

張世朱 沈長發 姚雙兒 沈自熙 劉子安

胡時地 姚國富 余高翥 葉福志 胡時富

胡繼興 傅用才 孫鳳起 張世珍 張永裔

饒裔河 熊俊全 王象志 鄭宗勝 傅守梅

汪大枝 張養廷 袁國富 鄭之金 伍順清

鄭光焰 沈周麟 袁正發 王宗勝 湯陸秋

余時華 沈德勝 李天崇 汪家全 熊志忠

余時榮

黃學倉

饒百同

鄭宗地

方長發

柯顯寬

段芳德

鄭宗坦

王同發

汪思進

陶友貴

朱祥發

汪興道

饒裔果

李成才

沈周良

方品金

劉光喜

鄭宗仲

鄭三恩

余萬才

鄭汝安

饒仲秀

饒裔本

鄭光丙

沈文舉

鄭宗勝

鄭廣發

鄭長元

鄭之能

鄭有朋

張太占

楊春華

黃定榮

鄭昌桃

鄭全友

饒金玉

汪能知

沈文翥

萬早魁

傅守意

沈二喜

楊士富

鄭秀平

張開榜

陳懷玉

沈善之

沈文質

陳太意

吳懷亮

英山縣志

卷之十一

人物志

殉難

七二一

張春山

陳良山

沈有懷

張賢義

張三云

張大望

鄭青懷

沈自孔

張啟祥

鄭象海

張大興

鄭青萬

劉金松

鄧金容

鄭士春

鄭士能

鄭如岳

鄭光鑫

彭浩元

鄭鳳太

陳啟發

鄭永興

吳成周

周慶云

鄭鳳德

張春太

鄭時太

熊連選

匡大會

胡有山

王宗賢

鄭岐周

胡有朋

鄭保何

鄧金發

鄭宗益

楊士林

胡順

安道岸

安道守

李朝用

李朝泰

胡奉寶

胡允梓

胡奉泰

李朝班

袁雲交

徐宗焯

陳萬有

陳彥榮

張明球 陳思杰 陳思寶 陳思業 陳彥琳

陳彥桂 陳彥躬 陳彥祥 陳彥華 陳延財

張道捷 鄭宗城 鄭之襟 鄭之珍 鄭宗仲

鄭之思 鄭昌清 鄭光盈 鄭光淥 鄭宗林

鄭棣朋 鄭從龍 鄭艷德 鄭起才 鄭世春

鄭玉昆 鄭昌麟 鄭之煌 鄭秉福 段芳開

鄭宗成 鄭宗球 萬廷耀 湯金安 饒秀琦

饒百桐 饒百中 饒玉亮 饒金玉 李春起

王永富 王象志 王福元 胡有鵬 潘應葵

潘應槐 方在富 陳黃所 陳萬誠 張正大

英山縣志 卷之十一 人物志 殉難 七三

高興仁 潘萬順 袁太桂 黃學滄 李義富

陳盛秩 陳盛風 陳金相 胡才廣 萬心如

張華德 傅用彬 傅守己 聞立權 聞遠菴

朱善國 張養德 汪家清 汪彩富 張義元

陸金錢 傅守湄 傅文元 袁邦魁 熊有本

熊太華 熊天升 熊有全 熊兆先 傅守英

汪際璜 汪際世 汪作道 汪采云 潘國富

姜繼鍾 沈世楫 傅繼禹 余思進 杜紹培

杜芳實 杜芳宗 宋九如 夏金玉 夏有才

夏有義 黃雲程 涂純儉 胡奉憲 崔廣民

萬誠杰

蕭如吉

蕭景周

蕭宗裕

楊金玉

石全美

蕭宗吉

蕭序恒

江繼先

江正路

蕭宗達

蕭如琮

蕭宗映

蕭宗麒

蕭序來

周萬年

郝敦有

袁榮翹

胡其亨

吳廷彩

劉雙來

王豐庭

徐得全

鄭大有

鄭大奎

鄭顯華

鄭慶方

鄭昌富

鄭之傳

鄭秀希

鄭志寬

鄭宗意

鄭光佳

鄭學華

鄭學禮

鄭昌典

鄭汝安

鄭春泰

鄧勝鵬

徐廷華

彭禮之

李鴻立

段永霍

蕭序焜

鄭宗第

以上鄉民均係賊擄不降而死並前紳勇俱請卹入祀表忠祠

英山縣志

卷之十一

人物志

殉難

七四

鄭之祥

鄭光秀

鄭宗境

鄭光興

鄭光法

鄭光漣

鄭光洧

鄭光容

以上補咸豐甲寅年殉難

鄭昌清

鄭昌春

鄭宗錫

鄭宗軾

鄭宗城

鄭光宗

鄭昌龍

鄭昌越

鄭之華

鄭光波

鄭宗彬

鄭光諭

鄭光遠

鄭光焰

鄭宗盛

鄭宗坦

鄭光宇

鄭光寅

鄭之懷

鄭之富

鄭之賢

鄭長發

鄭宗軻

以上補同治甲子年殉難

附錄民國三年正月十六日白匪竄英皖軍駐六巡緝營與戰

及陣亡人員

王傳祿

營長安徽鳳臺人

蘇良田

營副官安徽鳳臺人

楊金標

排長安徽壽縣人

王傳昌 排長安徽鳳台人

詹得勝 下土安徽壽縣人

蘓世傳 下土安徽鳳台人

沈玉隆 下土安徽定遠人

周峻嶺 一等兵安徽宿縣人

陶玉德 一等兵安徽鳳台人

以上與戰人員

張銀富 連長安徽霍邱人

夏得勝 連長安徽壽縣人

胡春寅 上土江蘇宿遷人

袁有文 中土安徽壽縣人

蔣林明 中土安徽穎上人

王傳堯 中土安徽鳳台人

戴金勝 中土安徽鳳台人

向復盛 下土山東單縣人

朱錫有 上等兵安徽壽縣人

楊登善 上等兵安徽壽縣人

賈有奎 上等兵安徽蒙城人

李得魁 上等兵湖南湘潭人

盛樹清 一等兵安徽鳳台人

何長寬 一等兵安徽鳳台人

袁秉芝 一等兵安徽壽縣人

袁得寬 一等兵安徽壽縣人

袁得魁 一等兵安徽壽縣人

王伍清 一等兵安徽壽縣人

趙芳坤 一等兵安徽壽縣人

鄭萬程 一等兵安徽壽縣人

袁秉煥 一等兵安徽壽縣人

英山縣志

卷之十一

人物志

殉難

邱長香 一等兵安徽壽縣人

李興全 一等兵安徽穎上人

丁立標 一等兵安徽蒙城人

李兆全 二等兵安徽壽縣人

聞金山 二等兵安徽壽縣人

張銀發 二等兵安徽壽縣人

陳家玉 二等兵安徽壽縣人

蔣林雲 二等兵安徽壽縣人

周錦良 二等兵安徽壽縣人

吳占錦 二等兵安徽壽縣人

李彭年 二等兵安徽鳳台人

魯得勝 二等兵安徽鳳台人

李學芝 二等兵安徽鳳台人

王廷棟 二等兵安徽鳳台人

王冠堂 二等兵安徽鳳台人

魏金寶 二等兵安徽穎上人

劉文有 二等兵安徽阜陽人

許長清 二等兵安徽宿縣人

周玉光 二等兵河南固始人

李清林 二等兵河南內鄉人

李占魁 二等兵河南禹縣人

田玉生 二等兵湖南安化人

以上四十三名均陣亡人員奉軍部照級優卹

隱逸

明 張宗能參政子貞第四子性孝友工吟咏隱居滿溪坪不近流俗時稱高蹈

蔣宗成化中貢生授蘄州判不樂仕進致仕居幽谷授徒講學以終其身

清 段一定舉人繼明之姪庠生繼佳之後天性孝友家學淵源四方之士負笈從遊者衆明季喪亂族中女子多流離失所爲捐資贖歸三十餘年絕跡城市晚進之士咸仰高風

余有珩字行玉崇禎中貢生性穎異諳象緯知世將亂隱居天花坪讀書不輟福藩在南中有珩當需次教職避不就壽至八十餘

英山縣志

卷之十一

人物志

隱逸

七十六

十餘

胡正南字佑秩歲貢生林泉嘯傲有隱君子風築別業黃金巖怡情花木塵囂中無一足跡也嗜飲酒酣論千古人物獨具卓識年六十四臨卒閱執友鄭魯錫所贈詩末云兒女債完書債了醉翁何日不神仙朗吟而逝論者謂得生寄死歸之真意云聞詩禮字退學少積學倜儻不羈不求聞達隱居臯陶山麓工古文詩詞精楷法篆刻重道義交馬星槎學博贈句有云慷慨詩多餘傲骨應酬禮簡篤交情生平於此可見子立陔庠生金偉爵字雪巖好讀書不求聞達天性誠懇每風興香一爐善書一編衣冠虔誦飲食效古禮必祭暑月不袒口無戲言目無

邪視善訓蒙族之遊庠序登賢書者幼多從遊焉

胡華祝字封三庠生勵志舉業文章詩賦推倒一時尤工書法
屢試省闈不遇遂寄情遊覽山川名勝靡所不至至必題詠嘗
遊南海著有觀海錄行世晚年築室蓮花山澄心默悟凡未來
事輒能瞭焉將沒題生遊萬里歸卧一坵八字囑刊於墓門
段永堦原名墀積學未售傲岸不羣精書畫篆刻以蒔花種竹
爲樂其祖肇伊任江夏縣尉家固殷厚墀性揮霍仗義疏財雖
貧無立錐地落落不撓懷抱閭里敬之

金誥字鳳啣太學生積學能文隱居又一村處父兄間融融熙
熙自少至老如一性磊落慷慨不衫不履有莊列風嗜飲貪吟

英山縣志

卷之十一

人物志

隱逸

七七

句多從性情流出著有栗園詩草

聞詩律好讀書工制藝聲噪士林卒躋名場與弟廩監生詩可
庠生詩賦增生詩裁授徒爲業咸稱名師律隱居臯陶山不干
勢利澹泊可風

胡顯澍字靜菴太學生積學敦行隱居松山誘掖後進不倦年
九十能作蠅頭細字著有頤軒日抄摘錄世紀水道樂律諸書
並圖說待梓子勝璐監生勝琦廩生

王善良庠生素有隱德泮遊後頻年抱恙屏門謝客幾三十年
經史子集悉加考訂歧黃諸書亦肄業及之以藥濟人概不索
值受其惠者無不感悅

彭中松號龍溪孝事父母友愛諸季撫孤姪教養成立性嗜古無書不讀早歲聲噪文場卒弗遇其弟照南爲納成均勸入鄉試三試省門不售遂嘯傲林泉典墳自適著有猗猗山房文稿彭菊元字雲臺性沉靜博覽羣書無間寒暑夏夜呻吟達旦蚊撲面成雷渾不自覺精時藝屢拔前茅卒躋未售隱居龍溪專以教讀自適不與外務間有求論是非者以一二語折之無不帖服

金信庠生性孝友工詩晚歲淡於名利蒔花種竹詩酒自娛非義之事嚴拒之不稍染也年六十卒

彭元熙字汝恬庠生性樸直行端方里中有爲不義者私相計

英山縣志

卷之十一

十一

人物志

隱逸

七八

曰無使某知之其愧服如此中年淡於仕進專以詩酒自娛詩雖於前代諸名作無不淹貫而清微淡遠尤近王孟有甕邊吟數卷待刊予本廉歲貢生本塾善讀父書

鄭光謙篤志詩書州縣屢拔前茅未遇遂嘯傲林泉寄情詩酒

人以高士目之

以上同治庚午志

蕭宗益字夢庚庠生幼精性理易學兼通算法不由師授同治壬申以天文入泮知世局將亂杜門不出終日詩酒自娛吟就付炬平居訓子姪務致力經史不屑屑於詞章迄光緒戊戌變政果廢八股都人士服其卓識云

蕭如琮字玉芬文筆簡老古調獨彈絕意進取以性理經學訓

後嗣閉戶著書以娛暮齒時有晉桃源人之目

傅文森庠生守分安命含道棲真所讀者孔孟之書所談者程朱之理杜門不出松菊盤桓自號朝陽旅客

傅守鈞太學生學有心得性與人殊敦孝友以傳家棄科名如敝蹤凡所謂富且貴者未嘗通聲氣焉

傅文意字蕊園聰明曠達樂道安貧卓犖觀書不慕外務幽閒洒落有隱君子風

姜思楫字虛齋學問醇正以朱程爲宗嘗曰事有欺人天必不佑吾惟留一寸心田與子孫耕也志高尚隱居教授受其甄陶者皆成大器進士鄭燁林與子庶常紹成皆先後受業焉

英山縣志

卷之十一

人物志

隱逸

七九

汪作哲字濬文志潔行芳足不履城市經史自娛教子人炳肆力詩書炳試名輒列前茅民國以來精岐黃術蓋亦隱於醫矣
王士林字滌軒邑庠生試南闈屢薦未售隱於家拓茅屋數椽橫經枕史種菊栽松不求聞達

胡顯祿號鳳桂監生少積學有志操隱居雲巖草堂著有鄉黨圖攷綱鑑總論待梓

陳信存字默甫志趣高尚自號古愚隱居嘯空山拓逸園種花木不求聞達工吟嗜酒著有懶餘草並瑣錄篇

王壽頤善讀書旁通星緯理數教授弟子嘯傲林泉有君子風
王修鎔字陶齋庠生工吟咏善楷隸專務教讀淡於名利安貧

樂道雖簞瓢陋巷晏如也卒年八十七

段光鏞字杏林庠生性恬退不趨勢利誠身順親克施家政南
闡薦不售遂閉門掃軌以經史自娛誘掖後進成就者衆

王修盟字水亭監生試南闈不售隱居紫雲山之陽築趣園栽
花種竹吟哦自適著有趣園詩集

彭本寅字亮三自號西崖居士善制藝潛心理學邑進士段晉
熙京邸寄懷云四十年前友惟君獨可親名山詩禮客深竹畫
中人其生平大概可見著有學庸直解及諸子論略

余維圻字泮藻恩貢生好讀書不求聞達築室天花坪山之麓
怡情花木吟咏自娛設私塾率子姪課讀其中自號耐山居士

英山縣志

卷之十一

人物志

隱逸

八十

余維焜號靜齋歲貢生補授石埭縣教諭辭不就職遜迹林泉
植品剛方傳家忠厚訓迪後進咸以理學稱之

余時毓號嵐莊讀書以明理義爲宗旨性恬退雖精制藝羞應
童子試皖撫李孟羣統軍勦捻過英道經其里覩林泉之勝訪
之與語縱談當世事李大悅令隨營共襄軍務以不習仕官辭
孟羣益重之曰古君子也因名其堂曰有樂堂兩江總督李宗
羲宰英時慕時毓名數造其廬稱莫逆交然終不得以功名勸
居恒讀經閱史至老不輟築金波閣鑿池養魚爲樂屏絕浮囂
著有未錯山房詩文四卷卒年八十八

余思綬號佩青庠生性孝友博通經史隱居教授淡於利祿怡

情詩酒足跡不履城市一言一行鄉里咸以爲法

姜文悅字怡元經術邃深旁涉藝事岐黃輿地之業甚著功效其後有晏清子者性耿介早棄科舉以詩酒自娛亦肥遯之士董時森字莘夫品行端方視聽言動嚴非禮之戒好諸子百家書雞聲燈影三十年無倦晚歲教讀於鄉建漢帷書室以經史自娛卒年五十二

僑寓

宋程祿官大理寺丞進士程端中十二世孫端中知六安軍金人寇六捍禦不克死之勅葬霍之撞山子孫散處英六閒英邑代有奉祀生

英山縣志

卷之十一

十一

人物志

僑寓

八一

明孔彥繪父善至聖五十八代孫洪武中以鄉舉訓英進教諭善父祥卒葬於英乃留子彥繪守塋遂爲英人代有奉祀生邵起浙江餘姚貢生崇禎時累官鎮蕪水縣賊破蕪水僑居英奉檄知英山擢知廬州府晉河南大梁道解職歸卒於英武砦賴鼎新福建人崇禎時爲英山典史十四年賊破新城巷戰受重傷絕而復甦後家於英子泰滙歲貢生

清劉宗瀛字石寰如皋廩生以詩畫名家道光季隨翟梧村蜀後阜兩明府幕遊英邑值粵逆亂熾避居皋陶山與聞立陔等結詩社唱和無虛日歿後陔命其子卜葬陔山劉子孫至今猶居山麓

仙釋

明張大悲添樓鄉人居縣西香爐崖自幼好神仙術語人未來事及晴雨輒中父母怪之令牧牛畫地爲圈牛與羣牧不能出嘗作泥丸自食坐卧處往往有雲氣洪武初遊方外莫知所終居民於香爐崖立祠肖像水旱祈禱輒多應驗

徐謙三吳鄉人善符籙能驅風雷郡邑旱請禱立沛太守龍誥贈詩云心上真機旋造化掌中神術滾風雷

周和尚正統時居山溪坳號爲天下第二僧

陳仙媪成化時人偕二子於縣東北五里漆樹坳結茆以處煮石爲羹逾數歲白日飛昇土人立婆婆菴祀之

英山縣志

卷之十一

人物志

仙釋

八二

蕭泗得異人傳書符呪降入洞真仙至則山鶴鳴繞異香滿室判事不爽後晤入仙於椶皮嶺面授修煉法遂仙去

夏則英嘉靖時人世居火麻坪兒時摘松花爲供能致真僊兄弟強之娶逃入香爐山學道晚年辟穀役風雷言人禍福輒應土人塑像祀於太乙觀

清沈正昱添樓鄉人少讀書中歲遇異僧授以書遂能驅役風雷歲旱祈禱立應鄰邑皆奔走焉廬郡大旱太守劉請以往午至許未時雨至期甘霖滂沛四野霑足太守喜贈以匾聯今邑中發雨岡叫雨尖二山皆出正昱故得名常以絲茅書符籙農民播種或人工不足迫日暮及夜行乞得符輒見日光照耀無

異白晝工畢抵家夜漏盡矣閒至村塾戲童子曰食我使汝早散學倏忽黑雲瀾漫似將大雨雹塾師急遣諸童歸比至家晴霽如故臨終語家人曰吾今日當仙去如期而逝居民立真人廟祀之

釋通如號慧融幼守僧祇律戒行清苦修理梵宇募建入寺分處支派論者謂其得宗門衣鉢以上舊志

傅鉢指月寺僧又號文素多術數精堪輿咸豐時粵寇入英寺觀燬盡賊近指月寺鉢澄心持呪得神助寺賴以全後鉢死其徒洗三徒孫意修均善承鉢志同治庚午志

才技

英山縣志

卷之十一

十一

人物志

才技

八三二

鄭本藻字泮林庠生曠達不羈少工楷書童試時某學使有字冠三屬之稱中年尤善草書運筆如神購求者爲之紙貴今猶以爲墨寶云

王從卿幼嗜古不求聞達種花自娛性喜畫淡描擅長前邑尊翟欽其雅致常以什物相遺年九十四卒以上舊志

胡勝璐號淑亭學通經典兼擅岐黃捨藥施方卻謝金活人無算鄂撫胡林翼駐營於英病劇璐治之立愈縣令何額以精心妙理進士鄭燁林贈聯云壽世人期能自壽醫好官實爲民醫邑人贈云起死回生今之和緩童顏鶴髮古有喬松時稱神醫安馨字醉蘇附貢生品行端方文藝簡老尤熟於經解書法筆

力秀勁人爭寶之姪恕庠生爲文敏捷壯歲投筆參劉銘傳軍務保舉訓導不樂就遠遊江浙間與諸名宿結文社各噪一時彭蠡清字水如廩貢生屢膺鶚薦性仁孝兼精岐黃術有求醫者雖昏夜必往遠近感之子杰庠生礪金陸軍中將
傅士棠字曉窗增生性聰明精脈理治病立效稱爲名醫
王樂政恩貢生同治丁卯副舉人學問深邃詩文典雅尤工楷隸所書屏幅人寶貴之

聞立性字道根晚年號耐翁性嚴峻不諧俗工各體書法真草尤所擅長索書者絡繹到門一時紙貴斬水同宗松谷繪種蕉學書圖贈之卒年七十八歲子禮祝庠生

英山縣志

卷之十一

十一

人物志

才技

八四

聞煥字海峰補用巡檢少工書尤精畫理喜堪輿每恣覽形勝臨水登山徜徉忘返歸則布紙作圖效宗懋卧遊故事嘗於宅西築一別墅顏曰書畫禪歿年七十六

胡際可字風若積學未遇工書法片紙隻字人爭寶之

沈棻字茵亭增生力學敦品尤工書法家貧橐筆遠遊鄰邑匾聯掛幅多出其手至今遺墨人咸珍惜之卒年八十三

馬良慥字德修邑庠生精岐黃術家固豐遵母命救人之急勿辭勞苦不取金錢送診者輿馬闐門幾於應接不暇行之五十年活人無算著有回春錄補天石醫書待梓

傅溪橋字醉梅邑儒士善飲能詩尤工繪畫作山水圖深得吳

巴陵王輞川筆意馳名津滬王公巨卿貴介子弟咸以寫生妙
手目之

王樂陶幼業儒精醫理嘗起死回生活人無算

金鴻墀字彤卿積學未遇退精岐黃活人無算

金殿熙字鶴臣庠生精岐黃工吟咏善丹青尤通易理高祖祿
頤著有九層天星盤兵燹殘毀殿熙由易推演增補成完璧

朱碧山外籍善外科針灸所至無不立應遇貧困者投藥不取
值年八十二無疾而卒

傳以瓚善畫人物形神畢肖人得之莫不寶貴

英山縣志卷十一 一終

蕭斯編